



C40
4514
91



6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

C 40-45-14

了翁上座笑齋及百家書題
我微詮庵序中未為學者不敢許出院內
當山二世鐵牛機謹誌



B 64853

佛母出生三法藏般若波羅蜜多經卷第一第二

卷

宋北天竺三藏朝奉大夫光祿卿傳法大師
施護奉詔譯

正知諸行相品第一之一

如是我聞一時佛在王舍城鷲峯山中與大苾芻衆
千二百五十人俱皆是阿羅漢一切漏盡無餘煩惱
心善解脫慧善解脫如大龍王諸有所作皆悉具足
捨彼重擔得大善利盡諸有結正智無礙心住寂靜
已得自在唯一尊者住補特伽羅所謂阿難爾時世

678910123456789201234567893012345678945

尊告尊者須菩提言隨汝樂欲爲諸菩薩摩訶薩如其所應宣說般若波羅蜜多法門是時尊者舍利子卽起是念今尊者須菩提爲以自智慧辯才而爲宣說菩薩摩訶薩般若波羅蜜多耶爲以佛威神及加持力而爲說耶爾時尊者須菩提承佛威神知舍利子於如是色如是心有所思念旣知是已卽告舍利子言汝今當知世尊所有聲聞弟子於諸法中若自宣說或爲他說一切皆是佛威神力何以故佛所說法若於是中能修學者彼能證得諸法自性以證法故有所言說皆與諸法無所違背是故舍利子佛所

說法順諸法性諸善男子當如是知爾時尊者須菩提白佛言世尊佛作是言令我隨所樂欲如其所應宣說菩薩摩訶薩般若波羅蜜多世尊以何等義名爲菩薩當說何法爲菩薩法世尊我不見有法名爲菩薩亦不見有法名爲般若波羅蜜多以是義故若菩薩及菩薩法皆無所有不可見不可得般若波羅蜜多亦無所有不可見不可得我當爲何等菩薩教何等般若波羅蜜多世尊若菩薩摩訶薩聞作是說心無所動不驚不怖亦不退沒是卽名爲教菩薩摩訶薩般若波羅蜜多是卽了知般若波羅蜜多是卽

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

安住般若波羅蜜多復次世尊菩薩摩訶薩行般若波羅蜜多時觀想般若波羅蜜多時應如是學而彼菩薩雖如是學不應生心我如是學何以故彼心非心心性淨故爾時尊者舍利子白須菩提言云何須菩提有彼心非心不須菩提言舍利子於汝意云何若心非心於有於無爲可得耶舍利子言不也須菩提是時須菩提告舍利子言若心非心於有於無不可得者汝今何故作如是言有心非心耶舍利子言何名非心性須菩提言一切無所壞遠離諸分別是爲非心性爾時尊者舍利子讚須菩提言善哉善哉

須菩提誠如佛說汝於無靜三昧行中最勝第一若菩薩摩訶薩如是學者卽得不退轉於阿耨多羅三藐三菩提當知是菩薩摩訶薩不離般若波羅蜜多若有人欲學聲聞法者當於此般若波羅蜜多聽受讀誦記念思惟如說修行是卽於此般若波羅蜜多修學相應若欲學緣覺法者當於此般若波羅蜜多聽受讀誦記念思惟如說修行是卽於此般若波羅蜜多修學相應若欲學菩薩法者當於此般若波羅蜜多善巧方便而得具足諸菩薩法聚集相應

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

何以故此般若波羅蜜多廣說一切菩薩藏法若菩薩摩訶薩如是學者於菩薩法是卽相應若欲修學阿耨多羅三藐三菩提法者當於此般若波羅蜜多聽受讀誦記念思惟如說修行是卽於此般若波羅蜜多方便具足集諸佛法何以故此般若波羅蜜多廣說一切阿耨多羅三藐三菩提法若菩薩摩訶薩如是學者於無上法而得相應爾時尊者須菩提白佛言世尊所言菩薩摩訶薩者我不可見亦不可得而菩薩但有名字世尊卽此名字亦不可見不可得般若波羅蜜多亦但有名字不可見不可得當爲何

等菩薩教何等般若波羅蜜多以是義故我卽生疑世尊我於名字中求菩薩摩訶薩畢竟不可得而彼名字無住處非無住處無決定無不決定何以故彼名字性無所有故是故無住處非無住處無決定無不決定若菩薩摩訶薩聞此甚深般若波羅蜜多心無所動不驚不怖亦不退沒當知是菩薩摩訶薩不離般若波羅蜜多住菩薩地而不退轉善住無住相應復次世尊若菩薩摩訶薩行般若波羅蜜多時觀想般若波羅蜜多時不住於色不住受想行識何以故若住於色卽行色行非行般若波羅蜜多若住受

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

想行識卽行受想行識非行般若波羅蜜多何以故住於諸法卽不能受般若波羅蜜多與般若波羅蜜多而不相應不能圓滿般若波羅蜜多不能成就一切智何以故般若波羅蜜多不受於色不受受想行識若不受色卽非色不受受想行識卽非受想行識是故般若波羅蜜多亦無所受菩薩摩訶薩於無受法中當如是行此卽名爲菩薩摩訶薩一切法無受三摩地廣大圓滿無量決定不爲一切聲聞緣覺所壞世尊彼一切智無有相無所取若有相可取者彼室哩尼迦波哩沒囉惹迦如是等人於一切智不應生信何以故此人於一切智而生信解以有量智人如是法不受於色不受受想行識不以喜樂法爲智所觀不以內色爲智所觀不以外色爲智所觀不以外內色爲智所觀亦不離内外色爲智所觀如是以內受想行識爲智所觀不以外受想行識爲智所觀不以內外受想行識爲智所觀亦不離內外受想行識爲智所觀而彼室哩尼迦等於如是法及一切智智深生信解於諸法性而得解脫又於一切法無取無非取乃至涅槃亦無取無非取世尊修菩薩法者雖於色受想行識而無所受彼未圓滿如來十力

四無所畏十八不共法亦不中道取證涅槃是故世尊菩薩摩訶薩應如是了知般若波羅蜜多復次世尊若菩薩摩訶薩行般若波羅蜜多時觀想般若波羅蜜多時應作是觀何法是般若波羅蜜多般若波羅蜜多爲何等相諸法無所生亦復無所得般若波羅蜜多其云何有若菩薩作是觀時心無所動不驚不怖亦不退沒當知是菩薩摩訶薩不離般若波羅蜜多爾時尊者舍利子白須菩提言若諸色法離色自性受想行識離受想行識自性般若波羅蜜多離般若波羅蜜多自性一切智復離般若波羅蜜多自性般若波羅蜜多復離一切智自性一切智離一切智自性者云何說菩薩摩訶薩不離般若波羅蜜多須菩提言舍利子如是如是一切色法離色自性受想行識離受想行識自性乃至一切智離一切智自性般若波羅蜜多相離般若波羅蜜多相自性諸相離諸相自性無性亦離自性爾時尊者舍利子復白須菩提言云何須菩提若菩薩摩訶薩是中學者彼能成就一切智不須菩提言如是如是舍利子若菩薩摩訶薩如是學者彼能成就一切智何以故諸法無生亦非無生菩薩摩訶薩能如是了知如是行者

即能隨順親近彼一切智身心清淨諸相清淨在在處處嚴淨佛土成熟有情具諸佛法是爲菩薩摩訶薩修行般若波羅蜜多近一切智復次尊者須菩提言若有菩薩摩訶薩行於色法此爲行相若行色相此爲行相若生色行此爲行相若滅色行此爲行相若壞色行此爲行相若空色行此爲行相我行諸行亦是行相我行菩薩行亦是行相於菩薩法我有所得亦是行相如是若行受想行識此爲行相若行受想行識相此爲行相若生受想行識此爲行相若行受想行識此爲行相若壞受想行識此爲行相若空受想行識此爲行相若壞受想行識此爲行相若空受想行識此爲行相我行諸行亦是行相我行菩薩行亦是行相於菩薩法我有所得亦是行相若作是念能如是行乃名行般若波羅蜜多亦是行相若如是行者當知此菩薩未能具足善巧方便爾時尊者舍利子白須菩提言當云何行是爲菩薩摩訶薩行般若波羅蜜多須菩提言舍利子若菩薩摩訶薩不行於色不行色相不行色生不行色滅不行色壞不行色空不行我行不起我行菩薩行如是不行受想行識不行受想行識相不行受想行識生不行受想行識滅不行受想行識壞不行受想行識空不行我

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

行不起我行菩薩行不作是念若如是行乃名行般
若波羅蜜多若如是者是名菩薩摩訶薩行般若波
羅蜜多而彼菩薩摩訶薩雖如是行卽不念我行不
念我不行不念我亦行亦不行不念我非行非不行
又復不念有所行不念無所行不念亦有所行亦無
所行不念非有所行非無所行何以故一切法無念
無取無非取比名菩薩摩訶薩一切法無受三摩地
廣大圓滿無量決定不爲一切聲聞緣覺所壞此三
摩地偏入一切三摩地行若菩薩摩訶薩能如是行
者速得成就阿耨多羅三藐三菩提是時尊者須菩

提承佛威神作如是言若菩薩摩訶薩雖行無數三
摩地而無行相雖見無數三摩地而無所見彼菩薩
不作是念此三摩地我已入此三摩地我當入此三
摩地我今入如是一切時一切處一切種離一切相
而無所生若如是者當知是菩薩已從先佛得授阿
耨多羅三藐三菩提記爾時尊者舍利子白須菩提
言若菩薩摩訶薩於三摩地無所行相彼得如來應
供正等正覺與授阿耨多羅三藐三菩提記者而此
三摩地爲有所觀不須菩提言不也舍利子何以故
彼三摩地性無所有離諸分別及所了知爾時世尊

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

讚言善哉善哉須菩提如是如是須菩提如佛世尊威神辯才及加持力如是宣說諸菩薩摩訶薩當如是行如是修學何以故若菩薩摩訶薩如是學者是爲修學般若波羅蜜多是時尊者舍利子白佛言世尊若菩薩摩訶薩如是修學是卽修學般若波羅蜜多耶佛言舍利子如是如是若菩薩摩訶薩如是學者是爲修學般若波羅蜜多舍利子白佛言世尊若菩薩摩訶薩如是修學當學何法佛言舍利子若菩薩摩訶薩了法無所有亦復無所學是爲修學何以故彼一切法皆無所有而諸愚異生於無法中分別執著舍利子白佛言世尊若法無所有今云何有佛言舍利子諸法無所有今如是有彼諸愚異生於無法中以不了故說爲無明是故執著無明以執著故起分別心由分別故墮於一邊如是展轉於一切法種種分別起所得相彼分別已依於二邊而生執著是故分別過去諸法分別未來諸法分別現在諸法以諸分別故執著名色舍利子彼諸異生不了諸法無所有性起分別者於如實道不能了知亦不能見由不知見故不出三界於實際法不能安住亦不生信是故墮彼愚異生數爾時尊者舍利子復白佛言

執著舍利子白佛言世尊若法無所有今云何有佛言舍利子諸法無所有今如是有彼諸愚異生於無法中以不了故說爲無明是故執著無明以執著故起分別心由分別故墮於一邊如是展轉於一切法種種分別起所得相彼分別已依於二邊而生執著是故分別過去諸法分別未來諸法分別現在諸法以諸分別故執著名色舍利子彼諸異生不了諸法無所有性起分別者於如實道不能了知亦不能見由不知見故不出三界於實際法不能安住亦不生信是故墮彼愚異生數爾時尊者舍利子復白佛言

世尊若菩薩摩訶薩如是學者是學一切智不佛言
舍利子菩薩摩訶薩如是學者非學一切智菩薩摩
訶薩如是學者亦學一切智如是學者亦學一切法
得近一切智成就一切智是時尊者須菩提白佛言
世尊若有幻人作是問言云何修學一切智云何親
近一切智云何成就一切智彼若作是問我當云何
答佛言須菩提我今問汝隨汝意答須菩提言善哉
世尊願樂欲聞佛言須菩提於汝意云何幻異於色
色異幻不如是幻異受想行識受想行識異於幻不
須菩提言不也世尊異幻非色異色非幻彼幻卽色
彼色卽幻受想行識亦復如是佛言須菩提於意云
何所有五取蘊是菩薩不須菩提言如是世尊如是
善逝佛告須菩提當知五取蘊即是幻人何以故說
色如幻受想行識亦如幻彼色受想行識即是六根
五蘊是故菩薩摩訶薩亦如幻若欲修學般若波羅
蜜多者當如幻學卽得阿耨多羅三藐三菩提須菩提
提白佛言世尊若有初住大乘菩薩聞作是說得無
驚怖耶佛言須菩提彼初住大乘菩薩若隨惡知識
卽於是法聞已驚怖而彼菩薩若隨善知識卽聞是
法不生驚怖須菩提白佛言世尊云何名爲菩薩摩

訶薩惡知識佛言若有教令遠離般若波羅蜜多者
是爲菩薩惡知識何名菩薩善知識佛言若於般若
波羅蜜多自所宣說轉教他人復爲他人廣示魔業
及魔過失勸令覺了覺已復令遠離又復勸令不離
諸佛須菩提當知是人被大乘鎧大乘莊嚴安住大
乘是爲菩薩摩訶薩善知識須菩提白佛言世尊如
佛所說菩薩摩訶薩被大乘鎧大乘莊嚴安住大乘
世尊當說何句義是菩薩義佛言須菩提當知非句
義是菩薩義何以故菩薩於一切法無所障礙於一
切法如實了知乃至阿耨多羅三藐三菩提亦無障
礙亦如實知此說爲菩薩義又復世尊云何得名摩
訶薩佛言於有情聚中而爲最上以是義故名爲摩
訶薩爾時尊者舍利子白佛言世尊我亦樂說摩訶
薩義佛言隨所樂說今正是時舍利子言所有我見
衆生見命者見補特伽羅見諸有趣見斷見常見及
有身見若離如是等見爲衆生說法者是爲摩訶薩
爾時尊者須菩提白佛言世尊我亦樂說摩訶薩義
佛言隨所樂說今正是時須菩提言若菩提心一切
智心無漏心無等心無等等心於如是心無礙無著
不爲一切聲聞緣覺所壞以是義故名爲摩訶薩由

此入於菩薩摩訶薩數時尊者舍利子白須菩提言
云何彼心無礙無著須菩提言以無心故心無障礙
亦無所著舍利子言心義云何須菩提言舍利子心
於有無爲可生耶爲可得耶舍利子言不也須菩提
是時須菩提告舍利子言心於有無若不可得者何
故於心有所說耶尊者舍利子讚須菩提言善哉善
哉須菩提誠如佛說汝於無諍三昧行中最勝第一
爾時尊者滿慈子白佛言世尊我亦樂說摩訶薩義
佛言隨所樂說今正是時滿慈子言摩訶薩者所謂
被大乘鎧以大乘法而自莊嚴安住大乘是故說爲
摩訶薩義是時須菩提白佛言世尊所言菩薩摩訶
薩被大乘鎧者以何義故名大乘鎧佛言若菩薩摩
訶薩作如是念我應度無量無數衆生令至涅槃雖
度如是衆生已於諸衆生無所度想而無一衆生得
涅槃者何以故一切法性本如是故離諸起作須菩提
譬如幻師於四衢道以其幻法出多人聚出已卽
隱須菩提於汝意云何是諸幻人有所從來有其實
不有所滅去有所壞不須菩提言不也世尊佛言須
菩提菩薩摩訶薩亦復如是雖度無量無數衆生令
至涅槃而實無衆生有所度者若菩薩摩訶薩聞作

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

是說不生驚怖當知是菩薩摩訶薩被大乘鎧而自莊嚴爾時尊者須菩提白佛言世尊如我解佛所說義菩薩摩訶薩若如是了知者是爲被大乘鎧勇猛堅固而善莊嚴佛言須菩提如是如是以故彼一切智是無爲無作法爲利衆生故起諸方便而彼衆生亦是無爲無作法須菩提言誠如佛說所以者何色無縛無解受想行識亦無縛無解世尊色真如無縛無解受想行識真如亦無縛無解爾時尊者滿慈子白須菩提言如尊者所說色無縛無解受想行識無縛無解色真如無縛無解受想行識真如無縛無解者此中何等是色無縛無解何等是受想行識無縛無解何等是色真如無縛無解何等是受想行識真如無縛無解須菩提答言滿慈子汝今當知幻人色無縛無解幻人受想行識無縛無解幻人色真如無縛無解幻人受想行識真如無縛無解何以故無所有故無縛無解離故無縛無解不生故無縛無解若菩薩摩訶薩如是了知者是卽安住大乘被大乘鎧大乘莊嚴卽時尊者滿慈子聞是說已默然而住爾時尊者須菩提白佛言世尊如佛所言菩薩摩訶薩安住大乘被大乘鎧大乘莊嚴世尊以何義故爲

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

名大乘菩薩云何了知是乘從何所出出已於何所住佛告須菩提大乘者無限量無分數無邊際以是義故名爲大乘菩薩摩訶薩即如是了知又言大乘從何所出住何處者是乘從三界出住波羅蜜多彼無所著故卽住一切智從是出生菩薩摩訶薩復次須菩提若法無所出亦復無所住以無住故卽一切智無住相應又此大乘亦無所有卽無所出無出故如是出所以者何若有所出若無所出如是二法俱不可得而無所生乃至一切法中無法可出亦無非法可出須菩提菩薩摩訶薩般若波羅蜜多如是出生爾時尊者須菩提白佛言世尊如佛所說彼大乘法於一切世間天人阿修羅中而爲最勝與虛空等如彼虛空能受無量無數衆生彼大乘法亦復如是能受無量無數衆生世尊菩薩摩訶薩於大乘法不見有來不見有去亦無住處前際不可得後際不可得中際不可得三世平等無所生故是故大乘義如是說爾時世尊讚言善哉善哉須菩提如是如是須菩提菩薩摩訶薩於大乘法如是修學彼菩薩摩訶薩卽得成就一切智

佛母出生三法藏般若波羅蜜多經卷第一

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

佛母出生三法藏般若波羅蜜多經卷第二

宋北天竺三藏朝奉大夫試光祿卿傳法大
師施護等奉詔譯

了知諸行相品第一之二

爾時尊者滿慈子白佛言世尊佛令須菩提說般若波羅蜜多何故於今說大乘法時尊者須菩提卽白佛言世尊我所說大乘將無違彼般若波羅蜜多耶佛言不也須菩提如汝所說隨順般若波羅蜜多是時須菩提承佛神力白佛言世尊我於前後中際求菩薩摩訶薩了不可得何以故色無邊故菩薩摩訶薩亦無邊受想行識無邊故菩薩摩訶薩亦無邊色是菩薩無所有故不可得受想行識是菩薩無所有故不可得世尊如是一切時一切處一切種求菩薩摩訶薩畢竟不可得般若波羅蜜多亦不可見不可得乃至一切智亦不可見不可得如是一切法於一切時一切處一切種皆不可見不可得云何爲法云何爲非法當以何法教人般若波羅蜜多世尊菩薩但有名字般若波羅蜜多亦但有名字而彼名字亦無所生世尊如說我我法畢竟無所生我無自性故一切法亦爾此中云何色無著無生云何受想行識

無著無生一切法無性故無著無生以法無性故一切法無生是故無生亦無生我今卽以無生法教人般若波羅蜜多世尊若離無生法求一切法乃至佛菩薩法了不可得何以故若離無生法者菩薩摩訶薩無能成就彼菩提行世尊若菩薩摩訶薩聞作是說心無所動不驚不怖亦不退沒當知是菩薩摩訶薩行般若波羅蜜多觀想般若波羅蜜多世尊若菩薩摩訶薩於般若波羅蜜多若行若觀想時不受於色不見色生不見色滅如是不受受想行識不見受想行識生不見受想行識滅何以故若色無生卽非色若色無滅卽非色此無生與色無二無別無滅與色亦無二無別若說色卽是無二法若受想行識無生卽非受想行識若受想行識無滅卽非受想行識此無生與受想行識無二無別無滅與受想行識亦無二無別若說受想行識卽是無二法世尊菩薩摩訶薩於般若波羅蜜多如是觀已卽於色受想行識無所受無所生無所滅乃至一切法一切相亦復如是何以故若色受想行識無生無滅卽非色受想行識此色受想行識與無生無滅無二無別若說色受想行識卽是無二法爾時尊者舍利子白須菩提言

如我解尊者須菩提所說義菩薩即是無生法若如是者云何菩薩爲利衆生故有難行行及難行想須菩提言舍利子我不欲令菩薩摩訶薩有難行行及難行想何以故若有難行想即不能利益無量無數衆生若於一切衆生生易想樂想父想母想及彼子想如是卽能利益無量無數衆生菩薩摩訶薩於一切衆生當生如是想我於一切時一切處解脫一切苦一切衆生亦如是於一切時一切處解脫一切苦於一切處不捨衆生普令衆生解脫苦蘊於諸心意不生過失菩薩摩訶薩於諸衆生若生如是心卽無難行行無難行想舍利子菩薩摩訶薩應生如是心如我於一切時一切處一切種畢竟無所有不可得故彼一切法於一切時一切處一切種亦畢竟無所有不可得如是卽於內外一切法生無所有想若菩薩摩訶薩以如是心行卽無難行行無難行想復次尊者舍利子汝先所言菩薩無生如是如是菩薩實無生舍利子言若菩薩無生彼菩薩法豈無生耶須菩提言菩薩法亦無生舍利子言若菩薩法無生者彼一切智爲無生不須菩提言一切智無生舍利子言一切智法爲無生不須菩提言一切智法亦無生

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

舍利子言若一切智法亦無生者彼諸異生是無生
不須菩提言諸異生類亦復無生又言彼異生法爲
無生不須菩提言諸異生法亦卽無生尊者舍利子
白須菩提言若菩薩菩薩法一切智一切智法異生
異生法皆無生者彼菩薩摩訶薩得一切智卽是無
生得無生耶尊者須菩提言舍利子我不欲令無生
法有所得何以故無生法不可得故舍利子言無生
法不得無生耶須菩提言如是如是無生法不得無
生舍利子言若彼法無生無生亦無生不須菩提言
生法無生無生亦無生舍利子言若無生亦無生者
汝所言所樂說爲生爲無生須菩提言樂說亦無生
舍利子言若樂說無生者所言無生不須菩提言所
言所樂說一切皆無生尊者舍利子讚須菩提言善
哉善哉須菩提汝於說法人中最勝第一何以故隨
有所問而悉能答於諸法相無動無壞須菩提言舍
利子法本如是佛諸弟子於無依止法中隨有所問
而悉能答於諸法相無動無壞何以故一切法無所
依止舍利子白須菩提言若一切法無所依止菩薩
摩訶薩依何波羅蜜多須菩提言若一切法無所依止
舍利子當如實知彼一切法無依止故諸波羅蜜多

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

亦復如是若菩薩摩訶薩聞此甚深般若波羅蜜多時應作是念無說無示無聞無得心無所動無所求相無所持相當知是菩薩摩訶薩行無數般若波羅蜜多行不離是念爾時尊者舍利子白須菩提言云何菩薩摩訶薩行般若波羅蜜多不離是念若菩薩摩訶薩不離是念卽得不離般若波羅蜜多行若菩薩摩訶薩不離般若波羅蜜多行卽得不離是念須菩提若菩薩摩訶薩不離是行不離是念者彼一切衆生亦應得不離般若波羅蜜多行何以故一切衆生亦不離是行不離是念須菩提言舍利子如汝所說成就我義何以故衆生無性故當知念亦無性衆生離故當知念亦離衆生無心故當知念亦無心衆生無覺了故當知念亦無覺了衆生知如實義故念亦知如實義舍利子我欲令諸菩薩摩訶薩如是行般若波羅蜜多

帝釋天主品第二

爾時帝釋天主與四十千天衆俱來會中四大天王與二十天衆娑婆世界主大梵天王與十千梵衆淨居天子與千天衆如是等皆來集會彼諸天子所有業報光明以佛威神勝光明故皆悉不現是時帝

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30

釋天主白尊者須菩提言我等諸天乃至梵衆皆悉來集樂欲聽受尊者須菩提爲諸菩薩摩訶薩宣說般若波羅蜜多令諸菩薩云何安住云何修學云何相應須菩提言嬌尸迦今此天子衆中以佛威神加持力故若有未發阿耨多羅三藐三菩提心者應當發心若已入正位者卽不堪任發阿耨多羅三藐三菩提心何以故彼於輪迴有所縛故如是等人若未能發阿耨多羅三藐三菩提心者我亦隨喜勸令發心於其善根使不斷絕爾時世尊讚言善哉善哉須菩提汝善勸導諸菩薩摩訶薩令於般若波羅蜜多而得相應須菩提白佛言世尊佛於衆生有大恩德我今爲報佛恩故如是勸導何以故過去如來應供正等正覺所有弟子亦爲報佛恩故勸導諸菩薩摩訶薩令諸菩薩如其梵行住真實法亦教成就般若波羅蜜多以如是行故發生無上智世尊我今亦如是攝受護持諸菩薩摩訶薩以我如是攝受護持因緣力故諸菩薩摩訶薩速得成就阿耨多羅三藐三菩提爾時尊者須菩提告帝釋天主言汝等諦聽如理思惟我今宣說菩薩摩訶薩般若波羅蜜多安住空法令諸菩薩被大乘鎧大乘莊嚴當知般若波羅

蜜多所謂不住五蘊不住眼根不住色境不住眼識
不住眼觸亦復不住聲香味觸法境不住耳鼻舌身意識
不住耳觸乃至意觸亦復不住耳觸乃至意觸所生
諸受不住地水火風空識界不住念處正勤神足根
力覺道不住須陀洹果不住斯陀含果不住阿那含
果不住阿羅漢果不住緣覺果不住佛地以如是不
住五蘊乃至不住佛地故不住色受想行識若常若
無常不住色受想行識若苦若樂不住色受想行識
若空若不空不住色受想行識若我若無我不住色
受想行識若淨若染不住色法有所得空不住受想
行識有所得空不住須陀洹無爲果不住斯陀含無
爲果不住阿那含無爲果不住阿羅漢無爲果不住
緣覺無爲果不住佛法不住須陀洹福田不住須陀
洹七往來身不住斯陀含福田不住斯陀含畢竟一
來此世盡苦邊際不住阿那含福田不住阿羅漢現
還此世於彼涅槃不住阿羅漢福田不住阿羅漢現
世入於無餘涅槃不住緣覺福田不住緣覺出過聲
聞不及佛地而趣涅槃不住諸佛最上福田不住佛
法出過異生及聲聞緣覺地利益無量無數衆生復

令無量無數百千俱胝那庾多衆生不趣聲聞緣覺
無餘涅槃決定趣證正等正覺無上涅槃建立佛事
諸如是等皆悉不住爾時尊者舍利子卽起是念若
諸如來出過異生及聲聞緣覺地利益無量無數衆
生復令無量無數百千俱胝那庾多衆生不趣聲聞
緣覺無餘涅槃決定趣證正等正覺無上涅槃建立
佛事於如是法皆不住者當於何住是時尊者須菩提
承佛威神知其念已卽謂尊者舍利子言舍利子
於汝意云何如來應供正等正覺有法可住不舍利
子言不也須菩提如來應供正等正覺無法可住何
以故彼無住心名爲如來不住有爲界不住無爲界
不住彼中故須菩提告言如是如是舍利子諸菩薩
摩訶薩應當如彼如來應供正等正覺所住而住如
是住者非有所住非無所住非爲決定非不決定菩
薩摩訶薩如是學者而善安住無住相應菩薩摩訶
薩如是學者是行般若波羅蜜多行爾時會中有諸
天子作是思惟諸天子所有語言文字章句尚可
了知而尊者須菩提所說諸法我等天衆無能解了
時須菩提知諸天子於其已心所思念已告諸天子
言汝等當知彼一切法無說無示無聞無得離諸分

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

別無所了知是時諸天子衆復作是念如尊者須菩提所說轉復難解廣大深遠最上微妙我等天衆難可得入爾時尊者須菩提又復知諸天子心所念已卽時告言汝等當知若欲得須陀洹果欲住須陀洹果者當住是忍若欲得斯陀含果欲住斯陀含果若欲得阿那含果欲住阿那含果若欲得阿羅漢果欲住阿羅漢果若欲得緣覺果欲住緣覺果若欲得阿耨多羅三藐三菩提果欲住阿耨多羅三藐三菩提果者皆住是忍時諸天子聞是說已又復思惟當有何人能聽受尊者須菩提說法時須菩提承佛威神又知其念重復告言諸天子衆汝等當知彼諸幻人而能聽受我所說法何以故彼於諸法無聞無證是時諸天子衆白須菩提言云何尊者一切衆生爲如幻不須菩提言一切衆生皆悉如幻亦復如夢所以者何一切衆生與其幻夢無二無別以如是故彼一切法亦如幻夢所有須陀洹須陀洹果斯陀含斯陀含果阿那含阿那含果阿羅漢阿羅漢果緣覺緣覺果皆如幻如夢彼阿耨多羅三藐三菩提果亦如幻如夢爾時諸天子衆復白尊者須菩提言若阿耨多羅三藐三菩提說如幻夢者彼涅槃法亦如幻夢耶

須菩提言如是涅槃亦如幻夢況餘法耶諸天子言
彼涅槃法何故亦說如幻夢耶須菩提言若復有法
過涅槃者我亦說爲如幻如夢何以故而彼幻夢與
涅槃法無二無別故爾時尊者舍利子尊者滿慈子
尊者摩訶俱緜羅尊者摩訶迦旃延尊者摩訶迦葉
如是等大聲聞衆并諸菩薩摩訶薩衆俱白尊者須
菩提言如尊者所說般若波羅蜜多何人能受其義
是時阿難卽告衆言所有不退轉菩薩摩訶薩具正
見人及彼漏盡諸阿羅漢當知是等於須菩提所說
般若波羅蜜多能受其義爾時須菩提告諸衆言我
所說般若波羅蜜多無能受者何以故此中無法宣
說無法表示無所分別無所了知以無說示無了知
故般若波羅蜜多如是宣說如是聽受是時帝釋天
主卽作是念今尊者須菩提宣說如是甚深正法我
當化諸妙華以散其上作是念已卽時化出無數妙
華散於尊者須菩提上是時須菩提卽作是念此所
化出無數妙華我於三十三天上曾所未見此華殊
妙非樹所生時帝釋天主知尊者須菩提心所念已
卽白須菩提言此華非生法何以故不從心生不從
樹出須菩提言僑尸迦此華若不從樹生又非心出

者卽是無生若其無生卽不名華帝釋天主卽作是
念此尊者須菩提智慧甚深於名句文而善宣說隨
其所說不壞假名說如實義作是念已卽白須菩提
言如尊者所說菩薩摩訶薩應如是學爾時尊者須
菩提告帝釋天主言憍尸迦如是如是菩薩摩訶薩
當如是學如是學者不學須陀洹果不學斯陀含果
不學阿那含果不學阿羅漢果不學緣覺果若不學
如是果是卽學一切智安住佛法如是安住者卽學
無量無邊佛法如是學者雖學色法無所增減雖學
受想行識亦無所增減若於色受想行識不增減學
者卽不取色學不取受想行識學不捨色學不捨受
想行識學若法無取無捨卽法無生無滅若了一切
法無取無捨無生無滅如是學者是卽名爲學一切
智出生一切智爾時尊者舍利子白須菩提言若菩
薩摩訶薩於法無所取故學無生滅故學者彼一切
智亦無所取故學無生滅故學菩薩摩訶薩若如是
學者當爲修學一切智不須菩提言如是如是彼一
切智乃至一切佛法無所取無生滅如是修學者是
爲菩薩摩訶薩學一切智爾時帝釋天主白尊者舍
利子言菩薩摩訶薩般若波羅蜜多當於何求舍利

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

子言憍尸迦菩薩摩訶薩般若波羅蜜多當於須菩提所轉中求帝釋天主言尊者舍利子彼須菩提所說般若波羅蜜多是何神力所加持故舍利子言憍尸迦當知是佛神力所加持故是時尊者須菩提告帝釋天主言我所說般若波羅蜜多當知皆是如來神力所加持故所言菩薩摩訶薩般若波羅蜜多當於何求者當知菩薩摩訶薩般若波羅蜜多不應於色中求不應離色中求如是不應於受想行識中求不應離受想行識中求何以故色非般若波羅蜜多離色亦非般若波羅蜜多受想行識非般若波羅蜜多離受想行識亦非般若波羅蜜多帝釋天主言尊者須菩提大波羅蜜多是般若波羅蜜多耶無量波羅蜜多是般若波羅蜜多耶無邊波羅蜜多是般若波羅蜜多耶須菩提言如是如是憍尸迦大波羅蜜多是謂般若波羅蜜多無量波羅蜜多是謂般若波羅蜜多無邊波羅蜜多是謂般若波羅蜜多何以故般若波羅蜜多亦廣大故般若波羅蜜多無量色廣大故般若波羅蜜多亦廣大受想行識廣大故般若波羅蜜多亦無量色受想行識無邊故般若波羅蜜多無邊復次憍尸迦緣無邊故卽般若波羅蜜多無

邊以般若波羅蜜多無邊故衆亦無邊以何義故名
緣無邊所謂色受想行識前際不可得中際不可得
後際不可得乃至一切法於前後中際亦不可得以
是義故名緣無邊卽般若波羅蜜多無邊又復以何
義故說衆生無邊憍尸迦當知前後中際無衆生可
得帝釋天主言云何須菩提彼衆生界豈無邊耶須
菩提言衆生無量笑數不及以是義故衆生無邊帝
釋天主復白尊者須菩提言所言衆生者以何義故
名爲衆生須菩提言一切法義是衆生義憍尸迦於
汝意云何當說何義爲衆生義帝釋天主言如我意
者非法義是衆生義非非法義是衆生義當知衆生
無本無因無我無緣而以方便立彼名字須菩提言
憍尸迦我先所說衆生無邊於汝意云何實有衆生
可說可示不帝釋天主言不也須菩提時須菩提言
若諸衆生無有其實不可說示者是故我說衆生無
邊憍尸迦假使如來應供正等正覺住壽如豌伽沙
劫以方便語言說一切衆生若已生若現生若當生
若已滅若現滅若當滅而能說其邊際不帝釋天主
言不也須菩提何以故一切衆生本來清淨須菩提
言如是衆生無邊故當知般若波羅蜜多亦無邊是

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

時會中帝釋天主大梵天王及大世主并餘諸天天
女神仙衆等俱白佛言快哉善哉如來出世尊者須
菩提能善宣說般若波羅蜜多菩薩摩訶薩受持此
法若不離諸佛如來般若波羅蜜多者我當尊敬如
諸佛想爾時世尊告帝釋天主大梵天王并餘一切
天仙衆言如是如是汝等當知我於往昔最上燈城
然燈如來應供正等正覺所修菩提行我於爾時亦
不離般若波羅蜜多彼然燈如來卽爲我授阿耨多
羅三藐三菩提記作如是言汝於來世過阿僧祇劫
當得成佛號釋迦牟尼如來應供正等正覺明行足

善逝世間解無上士調御丈夫天人師佛世尊是時
帝釋天主并諸天衆俱白佛言希有世尊希有善逝
此般若波羅蜜多能攝一切智菩薩摩訶薩當如是
學

寶塔功德品第三之一

爾時世尊普告四衆苾芻苾芻尼優婆塞優婆夷帝
釋天主等欲界諸天衆大梵天王等色界諸天衆乃
至色究竟天一切天子衆汝等當知若有善男子善
女人於此甚深般若波羅蜜多法門能聽受讀誦如
說修行者是人不爲魔及魔民人非人等伺得其便

不爲惡毒所能傷害不以橫夭捨其壽命復次若有善男子善女人於此般若波羅蜜多未能聽受讀誦者所有已發阿耨多羅三藐三菩提心諸天子衆往彼人所爲作護念勸令於此般若波羅蜜多聽受讀誦如說修行復次若有善男子善女人於此般若波羅蜜多受持讀誦如說修行者是人若在空室若入衆中若在樹下及曠野處若行道路及非道中乃至大海如是等處若行若住若坐若臥離諸怖畏諸天護念爾時四大天王白佛言世尊若有善男子善女人於此般若波羅蜜多聽受讀誦如說修行者我當往彼護念其人使令精進不生退屈爾時帝釋天主白佛言世尊若善男子善女人於此般若波羅蜜多聽受讀誦如說修行者我亦往護其人令無衰惱爾時大梵天王并諸梵衆俱白佛言世尊若有善男子善女人於此般若波羅蜜多聽受讀誦如說修行者我當往護其人令無衰惱爾時帝釋天主復白佛言希有世尊此甚深般若波羅蜜多善男子善女人受持讀誦者於現世中獲如是功德云何世尊若人受持此般若波羅蜜多而能攝諸波羅蜜多不佛言憍尸迦如是若人受持此般若波羅蜜多卽能攝諸波羅

蜜多憍尸迦此般若波羅蜜多若人受持讀誦者所有功德廣大甚深汝當諦聽如善作意當爲汝說帝釋天主言善哉世尊願爲宣說佛言憍尸迦我此般若波羅蜜多法門不爲一切惡法損惱破壞若諸惡法起時欲生損惱彼法卽當漸自銷滅雖復暫起而不爲害何以故憍尸迦當知此善男子善女人以受持讀誦般若波羅蜜多功德力故惡法雖生而自銷滅憍尸迦譬如世間有諸毒蛇周行求食見諸小蟲卽欲食啖是時有藥名爲末祇能銷諸毒而彼小蟲卽詣藥所是時毒蛇聞是藥氣卽自退還彼諸小蟲不爲所食何以故此末祇藥能銷諸毒憍尸迦善男子善女人亦復如是於此般若波羅蜜多受持讀誦自所宣說或爲他說如說修行是人不爲一切惡法所能傷害惡法雖生卽自銷滅何以故當知皆是般若波羅蜜多功德力故在在處處無所動轉般若波羅蜜多能除貪等一切煩惱而能趣證無上涅槃憍尸迦若有受持讀誦此般若波羅蜜多者彼四大天王帝釋天主大梵天王乃至諸佛菩薩常護是人令無羣惱復次憍尸迦若善男子善女人受持讀誦此般若波羅蜜多者是人常出信順語言柔軟語言白

淨語言不雜語言不生忿怒不爲我慢所覆常生慈心不起恨恚忿等煩惱不令增長彼善男子善女人常作是念我爲趣求阿耨多羅三藐三菩提故於損惱法不應生瞋何以故瞋法若生諸根變異調善色相非所和合作是念已安住正念慚尸迦彼善男子善女人以受持讀誦般若波羅蜜多故於現世中獲如是功德

佛母出生三法藏般波羅蜜多經卷第二

音釋

補特伽羅梵語也此云數取趣謂數數往來諸趣也伽丘迦切
梵語也此云百億脢張尼切 締丑知旃切
避切恨怒也 忒切
撫吻切懶也 懶切

姑蘇中書舍人徐溶施貴刻此
佛母出生經一二同卷計字一萬一千九百十
四箇該銀五兩三錢六分四厘
天啓甲子歲次孟春吉日吳江接待寺識

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

佛母出生三法藏般若波羅蜜多經卷第三

宋北天竺三藏朝奉大夫試光祿卿傳法大師施護等奉詔譯

寶塔功德品第三之二

爾時帝釋天主復白佛言希有世尊菩薩摩訶薩爲迴向故修學般若波羅蜜多不以高心而生取相佛言如是如是憍尸迦若善男子善女人於此般若波羅蜜多法門受持讀誦自所宣說或令他說如說修行者是人以其功德力故若入軍陣無所怯懼勇猛堅固勝伏他軍乃至行住坐臥皆得吉祥復次憍尸

迦若善男子善女人受持讀誦此般若波羅蜜多者
是人於一切處若行若止或遇刀杖等雖於彼人身
無所傷害乃至將失壽命不生怖畏何以故此般若
波羅蜜多是廣大明此般若波羅蜜多是無量明此
般若波羅蜜多是無上明此般若波羅蜜多是無等
明此般若波羅蜜多是無等等明若善男子善女人
修學如是明者不念自惡不念他惡不念自他惡惱
尸迦當知於此般若波羅蜜多受持讀誦者於現世
中獲是功德又復菩薩摩訶薩學是明者卽能證得
阿耨多羅三藐三菩提成就一切智智以得阿耨多
羅三藐三菩提故卽能觀達一切衆生種種心行所
言一切智智者謂諸明法菩薩摩訶薩是中學者無
有少法而不能入無有少法不能了知無有少法不
能證悟是故得名一切智智復次惱尸迦若有人能
以此般若波羅蜜多書寫經卷供養受持若自讀誦
或復轉勸他人乃至爲人解說其義是人不爲一切
人非人等伺得其便諸佛菩薩常所護念唯除過去
諸業報應惱尸迦譬如大菩提場及菩提樹周匝方
隅若人非人乃至傍生異類皆不能入亦不能住不
能破壞作其過惡何以故所有過去未來現在如來

應供正等正覺皆於是處證佛菩提迦善男子
善女人受持讀誦書寫供養般若波羅蜜多亦復如
是若人非人不得其便不能破壞出其過惡何以故
若供養此般若波羅蜜多經處隨其方地卽同造諸
寶塔尊重供養瞻禮稱讚憍尸迦當知此般若波羅
蜜多於現世中有是功德爾時帝釋天主白佛言世
尊若有善男子善女人書此般若波羅蜜多經尊重
恭敬置諸妙華燒香塗香末香及諸華鬘乃至諸妙
旛蓋然諸油燈作如是等種種供養若復有善男子
善女人於如來應供正等正覺般涅槃後收取舍利
起妙寶塔尊重恭敬瞻禮稱讚以諸香華燈塗幢旛
寶蓋作如是等種種供養彼善男子善女人所獲福
德與前福德何者爲多佛言憍尸迦我今問汝隨汝
意說於意云何如來應供正等正覺當學何法得如
是身證阿耨多羅三藐三菩提成就一切智智是時
帝釋天主白佛言世尊如來應供正等正覺修學般
若波羅蜜多法故證得阿耨多羅三藐三菩提成就
一切智智佛言憍尸迦是故當知佛不以是身故得
如來果以成就一切智智故得成如來當知如來應
供正等正覺所有一切智智從般若波羅蜜多生復

從般若波羅蜜多善巧方便生如來身是故此身與一切智智而爲依止由一切智智爲所依故即得佛身即得法身得僧伽身是故一切衆生於如來身得瞻禮供養乃至般涅般後以佛舍利起塔供養憍尸迦彼善男子善女人雖復如是起塔供養如來舍利不如有人書此般若波羅蜜多經尊重恭敬以香華燈塗幢旛寶蓋種種供養是善男子善女人得福甚多何以故供養此般若波羅蜜多者是即供養一切智智是故善男子善女人若欲供養一切智智者於此般若波羅蜜多常當書寫尊敬受持作諸供養爾

時帝釋天主白佛言世尊若闇浮提人於此般若波羅蜜多不能書寫受持讀誦不自宣說不令他說又復不能以諸香華燈旛寶蓋尊敬供養世尊如是等人失大善利不能成就廣大果報佛告帝釋天主言憍尸迦於汝意云何闇浮提中有幾所人於佛法僧得不壞信帝釋天主白佛言世尊此闇浮提人於佛法僧得不壞信者其數甚少佛言憍尸迦如是如是闇浮提人少有能於佛法僧寶得不壞信若於須陀洹果斯陀含果阿那含果阿羅漢果及緣覺果其所證者而亦甚少於其阿耨多羅三藐三菩提心若已

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

發者能住不退若現發者勇猛精進若未發者當能
發起如是等人轉復甚少又復闇浮提人少能於此
般若波羅蜜多善住相應少能於此般若波羅蜜多
依法修行少能於此般若波羅蜜多心不退轉住菩
薩地少能於此般若波羅蜜多修行趣證阿耨多羅
三藐三菩提憍尸迦若有能於此般若波羅蜜多聽
受讀誦自所宣說或令他說如說修行乃至尊重恭
敬以諸香華燈塗幢旛寶蓋種種供養者當知皆是
已發阿耨多羅三藐三菩提心住不退轉菩薩地者
又復憍尸迦此闇浮提中有無量無數無邊衆生發
阿耨多羅三藐三菩提心行菩薩道於汝意云何憍
尸迦汝今當知雖復有如是無量無數無邊衆生發
菩提心行菩薩道於其中間若一若二住不退轉地
何以故此闇浮提有諸衆生起下劣心生下劣相智
慧信解亦復下劣是故起劣精進於阿耨多羅三藐
三菩提作難得想不能趣求而生懈怠憍尸迦若善
男子善女人樂欲速證阿耨多羅三藐三菩提果成
就最上樂者是故應當於此般若波羅蜜多發猛利
心聽受讀誦何以故是善男子善女人應作是念此
般若波羅蜜多如來應供正等正覺往昔修菩薩行

時亦如是學我今亦學是般若波羅蜜多是我所師憍尸迦若佛住世若涅槃後諸菩薩摩訶薩應當依止此般若波羅蜜多復次憍尸迦若有善男子善女人於如來應供正等正覺般涅槃後以佛舍利造俱胝數七寶妙塔是人乃至盡壽已來以香華燈塗幢旛寶蓋諸妙衣服作如是等種種供養又復尊重瞻禮稱讚憍尸迦於汝意云何是善男子善女人以是供養因緣得福多不帝釋天主白佛言甚多世尊佛言憍尸迦若有善男子善女人爲欲趣求大菩提故於此般若波羅蜜多發信解心自當受持讀誦記念復爲他說流布普令衆生得大善利使其正法久住世間是因緣佛眼不斷正法不滅而諸菩薩摩訶薩衆名各受持宣布演說卽得法眼不壞不滅又復書此般若波羅蜜多經置清淨處生尊重心以諸香華燈塗幢旛寶蓋上妙衣服作如是等種種供養憍尸迦當知此善男子善女人得福甚多復次憍尸迦如前所說俱胝寶塔且置是數假使有人以佛舍利造七寶塔滿闊浮提是人乃至盡壽已來以諸香華燈塗幢旛寶蓋上妙衣服作如是等種種供養又復尊重瞻禮稱讚憍尸迦於汝

意云何彼善男子善女人以是因緣得福多不帝釋天主白佛言甚多世尊佛言憍尸迦若有善男子善女人爲欲趣求大菩提故於此般若波羅蜜多發信解心自當受持讀誦記念復爲他人廣說流布普令衆生得大善利使其正法久住世間以是因緣佛眼不斷正法不滅而諸菩薩摩訶薩衆各各受持宣布演說卽得法眼不壞不滅又復書此般若波羅蜜多經置清淨處生尊重心以諸香華燈塗幢旛寶蓋上妙衣服作如是等種種供養憍尸迦當知此善男子善女人得福甚多復次憍尸迦如前所說造七寶塔滿闇浮提且置是數假使有人以佛舍利造七寶塔滿四大洲是人乃至盡壽已來以諸香華燈塗幢旛寶蓋上妙衣服作如是等種種供養又復尊重瞻禮稱讚憍尸迦於汝意云何彼善男子善女人以是因緣得福多不帝釋天主白佛言甚多世尊佛言憍尸迦若有善男子善女人爲欲趣求大菩提故於此般若波羅蜜多發信解心自當受持讀誦記念復爲他人廣說流布普令衆生得大善利使其正法久住世間以是因緣佛眼不斷正法不滅而諸菩薩摩訶薩衆各各受持宣布演說卽得法眼不壞不滅又復書

此般若波羅蜜多經置清淨處生尊重心以諸香華
燈塗幢旛寶蓋上妙衣服作如是等種種供養憍尸
迦當知此善男子善女人得福甚多復次憍尸迦如
前所說造七寶塔滿四大洲且置是數憍尸迦假使
有人以佛舍利造七寶塔滿小千世界是人乃至盡
壽已來以諸香華燈塗幢旛寶蓋作如是等種種供
養又復尊重瞻禮稱讚憍尸迦於汝意云何彼人以
是因緣得福多不帝釋天主白佛言甚多世尊佛言
憍尸迦若有善男子善女人爲欲趣求大菩提故於
此般若波羅蜜多發信解心自當受持讀誦記念復
爲他人廣說流布普令衆生得大善利使其正法久
住世間以是因緣佛眼不斷正法不滅而諸菩薩摩
訶薩衆各各受持宣布演說卽得法眼不壞不滅又
復書此般若波羅蜜多經置清淨處以諸香華燈塗
幢旛寶蓋上妙衣服作如是等種種供養憍尸迦當
知此善男子善女人得福甚多復次憍尸迦如前所
說造七寶塔滿小千世界且置是數憍尸迦假使有
人以佛舍利造七寶塔滿中千世界是人乃至盡壽
已來以諸香華燈塗幢旛寶蓋上妙衣服作如是等
種種供養又復尊重瞻禮稱讚憍尸迦於汝意云何

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

彼人以是因緣得福多不帝釋天主白佛言甚多世尊佛言憍尸迦若有善男子善女人爲欲趣求大菩提故於此般若波羅蜜多發信解心自當受持讀誦記念復爲他人廣說流布普令衆生得大善利使其正法久住世間以是因緣佛眼不斷正法不滅而諸菩薩摩訶薩衆各各受持卽得法眼不壞不滅又復書此般若波羅蜜多經置清淨處以諸香華燈塗幢旛寶蓋上妙衣服作如是等種種供養憍尸迦當知此善男子善女人得福甚多復次憍尸迦如前所說造七寶塔滿中千世界且_是是數憍尸迦假使有人以佛舍利造七寶塔滿三千大千世界是人乃至盡壽已來以諸香華燈塗幢旛寶蓋上妙衣服作如是等種種供養又復尊重瞻禮稱讚憍尸迦於汝意云何彼人以是因緣得福多不帝釋天主白佛言甚多世尊佛言憍尸迦若有善男子善女人爲欲趣求大菩提故於此般若波羅蜜多發信解心自當受持讀誦記念復爲他人廣說流布普令衆生得大善利使其正法久住世間以是因緣佛眼不斷正法不滅而諸菩薩摩訶薩衆各各受持卽得法眼不壞不滅又復書此般若波羅蜜多經置清淨處以諸香華燈塗

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

幢旛寶蓋上妙衣服作如是等種種供養憍尸迦當知此善男子善女人得福甚多復次憍尸迦如前所說造七寶塔滿三千大千世界且置是數憍尸迦假使三千大千世界滿中衆生各各以佛舍利造七寶塔若住一切若滅一切以諸香華燈塗幢旛寶蓋上妙衣服乃至種種妓樂歌舞作如是等廣大供養又復尊重瞻禮稱讚憍尸迦於汝意云何彼諸衆生以是因緣得福多不帝釋天主白佛言甚多世尊佛言憍尸迦若善男子善女人爲欲趣求大菩提故於此般若波羅蜜多發信解心自當受持讀誦記念復爲他人廣說流布使其正法久住世間以是因緣佛眼不斷正法不滅而諸菩薩摩訶薩衆各各受持卽得法眼不壞不滅又復書此般若波羅蜜多經置清淨處以諸香華燈塗幢旛寶蓋作如是等種種供養憍尸迦當知此善男子善女人得福甚多爾時帝釋天主白佛言世尊如是如是誠如佛說若人於此般若波羅蜜多經尊重供養者當知是人卽同供養過去未來現在諸佛了諸佛智卽同於彼一切世界廣作最極無邊供養世尊如佛所說三千大千世界如前數量我今復置是數世尊假使如彼毘伽沙數三千

大千世界而彼世界滿中衆生一一衆生各各以佛舍利起七寶塔若住一切若滅一切以諸香華燈塗幢幡寶蓋上妙衣服乃至種種妓樂歌舞如是供養又復尊重瞻禮稱讚世尊彼衆生得福雖多不如有人爲欲趣求大菩提故於此般若波羅蜜多發信解心自當受持讀誦記念復爲他人廣說流布普令衆生得大善利使其正法久住世間以是因緣佛眼不斷正法不滅而諸菩薩摩訶薩衆各各受持卽得法眼不壞不滅又復書此般若波羅蜜多經置清淨處以諸香華燈塗幢幡寶蓋上妙衣服如是等種種供養爾時世尊告帝釋天主言如是如是憍尸迦能於此般若波羅蜜多經尊重供養者當知是人所獲福德無量無數無有邊際無等無比乃至其福不可思議何以故當知如來應供正等正覺一切智從般若波羅蜜多生復從一切智生如來身憍尸迦是故當知若人以佛舍利起塔供養與彼受持讀誦尊重供養般若波羅蜜多經者所作福行所獲功德較量是數百分不及一千分不及一百千分不及一俱胝分不及一百俱胝分千俱胝分百千俱胝分百千俱胝那庾多分不及其一數分美分及譬喻分乃至烏

波尼殺曇分不及其一爾時先從帝釋天主同來會者四十千天子衆俱白帝釋天主言今當於此甚深般若波羅蜜多法門受持讀誦記念思惟如說修行是時世尊卽告帝釋天主言憍尸迦如諸天言汝當於此般若波羅蜜多法門受持讀誦記念思惟如說修行何以故憍尸迦若阿修羅與彼三十三天子衆共相鬪戰是時汝當思念於此般若波羅蜜多法門彼阿修羅卽當退屈而自隱沒帝釋天主白佛言世尊此般若波羅蜜多是廣大明此般若波羅蜜多是無量明是無上明是最勝明是無等明是無等等明爾時佛告帝釋天主言如是如是憍尸迦此般若波羅蜜多是廣大明是無量明是無上明是最勝明是無等明是無等等明何以故所有過去未來現在如來應供正等正覺從是大明所出生故諸佛阿耨多羅三藐三菩提學是大明得成就故乃至無量無數三千大千世界諸佛世尊阿耨多羅三藐三菩提皆學是般若波羅蜜多廣大明故而得成就憍尸迦當知阿耨多羅三藐三菩提從是般若波羅蜜多中來所有十善法因是大明故出現於世四禪定分四無量分四無色定分五神通分三十七菩提分如是等

法皆因是大明故出現於世如是略說乃至八萬四千法蘊皆從般若波羅蜜多廣大明句所出生故所有佛智自然智不思議智亦復由此大明生故復次
橋尸迦若如來應供正等正覺不出世時彼諸菩薩摩訶薩衆出現世間從先所聞般若波羅蜜多出生種種善巧方便悲愍世間諸衆生故爲作利益是故十善法四禪定分四無量分四無色定分五神通分三十七菩提分如是等法出現世間開示衆生橋尸迦譬如月不出時衆星出現如其力勢光照世間菩薩摩訶薩亦復如是如來應供正等正覺不出世時所有正法亦不隱滅何以故若諸法行若平等行若諸善行一一皆從諸菩薩摩訶薩所出生故於菩薩摩訶薩善巧方便中隨順而轉是諸菩薩摩訶薩善巧方便當知皆從般若波羅蜜多生復次橋尸迦若有善男子善女人能於此般若波羅蜜多法門書寫供養受持讀誦記念思惟如說修行者是人以是緣故於現世中得大利益帝釋天主白佛言世尊是人子善女人不爲諸毒害傷其命不爲火焚不爲水溺不遭刀劍杖苦乃至不爲他力損傷其命又復不爲

王法所加設有是難若能誦念般若波羅蜜多者卽得解脫又復憍尸迦受持讀誦般若波羅蜜多者若詣國王及其王子王大臣所時彼國王王大臣等見已歡喜隨其所欲一切如意何以故憍尸迦此般若波羅蜜多於一切衆生是大慈心行大慈行是大悲心行大悲行又復憍尸迦受持讀誦此般若波羅蜜多者於一切處不爲一切虎狼蟲獸所能傷害乃至人非人等伺求短者不得其便唯除先業定應受者爾時有諸外道於彼法中久出家者數滿百人來入會中於佛世尊欲生惱亂是時帝釋天主遠見此人漸近佛會卽時天主觀察彼心知其所欲而作是念此諸外道今來佛會欲生惱亂我先從佛所受般若波羅蜜多法門空應誦念帝釋天主作是思惟已卽誦般若波羅蜜多法門時諸外道旣入會中遠見世尊是時各各右繞世尊已卽離佛會復道而還爾時尊者舍利子卽作是念云何此諸外道來入會中向佛世尊右繞而退是時世尊知舍利子心所思念卽告尊者舍利子言汝今當知彼諸外道於彼法中而各出家今來佛會欲生破壞違諍損惱帝釋天主以誦般若波羅蜜多故彼諸外道自生慙退舍利子是

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

故當知般若波羅蜜多法門有大威力能除一切外道邪惡爾時復有諸惡魔衆咸作是念今如來應供正等正覺與其四衆并欲色界諸天子等而共集會彼佛世尊與諸菩薩摩訶薩授阿耨多羅三藐三菩提記我等今者宜應往彼時諸魔衆作是念已卽化四兵種種莊嚴諸於佛所是時帝釋天主見是四兵嚴整妙好來入佛會卽作是念此四兵衆莊嚴殊麗非彼頻婆娑羅王之所有亦非勝軍大王所有又非諸餘國王所有亦復非其長者子有此卽是彼諸惡魔衆化現故爾何以故彼諸魔衆於長夜中違背佛法伺求其短欲生破壞我今宜應誦佛所受般若波羅蜜多法門帝釋天主作是念已卽誦般若波羅蜜多法門彼諸魔衆卽時各各攝其化現復道而還爾時三十三天子衆卽於會中化現無數天曼陀羅華等種種妙華散於佛上其所散華住虛空中時諸天子衆散妙華已作如是言願此般若波羅蜜多正法久住世間與闍浮提衆生大利益發是言已重作復散華散已又言惟願一切衆生於此般若波羅蜜多法門宣布演說如說修行一切魔及魔天人與非人同求短者不得其便音令衆生善根具足時帝釋天

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

主白佛言世尊若有人能於此般若波羅蜜多隨喜聽受者當知是人已曾供養過去諸佛何況受持讀誦記念思惟轉爲他人解說其義如其所說依法修學如所修行成就相應何以故諸佛一切智皆於般若波羅蜜多法中求從般若波羅蜜多所出生故世尊譬如有人欲求妙寶須入大海勤苦而求方獲無價諸妙珍寶如來應供正等正覺一切智寶亦復如是當於般若波羅蜜多大海中求佛告帝釋天主言如是如是諸佛如來應供正等正覺一切智寶若欲求者當於般若波羅蜜多大法海中勤苦而求如是

求者皆得如意

佛母出生三法藏般若波羅蜜多經卷第三

音釋

怯

乞業切
畏懦也

妓

寄奇切
女樂也

鄖波尼殺曇

梵語也此云數之極鄖安古切

曇

徒歷切
奴歷切

漏

魯當切
沉也

狼

獸也

南

切
溺沉也

狼

獸也

始蘇中書舍人徐溶施賈刻此
佛母出生經三卷 計字六千一百該銀二兩

七錢四分八厘

天啓甲子歲次孟春吉日吳江接待寺識

6 7 8 9 10 11 12 13 14 15

佛母出生說寶卷二

卷二

卷二

卷二

南無阿彌陀佛
是經是說是傳
是說是傳是經是說是傳
是說是傳是經是說是傳

音釋

佛母出生三法藏般若波羅蜜多經卷第四

宋北天竺三藏朝奉大夫試光祿卿施護等
奉詔譯

寶塔功德品第三之三

爾時尊者阿難白佛言云何世尊而不稱讚宣說布
施波羅蜜多持戒波羅蜜多忍辱波羅蜜多精進波
羅蜜多禪定波羅蜜多如是名字何故唯說般若波
羅蜜多稱讚功德佛告阿難言如是如是我於諸波
羅蜜多中唯說般若波羅蜜多最上稱讚何以故阿
難汝今當知此般若波羅蜜多與五波羅蜜多爲導

1 2 3 4 5 6 7 8 9 10 11 12 13 14 15

1 2 3 4 5 6 7 8 9 10 11 12 13 14 15

1 2 3 4 5 6 7 8 9 10 11 12 13 14 15

首故阿難於汝意云何若布施不廻向一切智得成
波羅蜜多不阿難白佛言不也世尊佛言阿難若持
戒忍辱精進禪定不廻向一切智得成波羅蜜多不
卽此般若不廻向一切智得成波羅蜜多不阿難白
佛言不也世尊佛言阿難於汝意云何所有不思議
智慧善根廻向一切智不阿難白佛言世尊如是如
是所有最上不思議智慧善根而悉廻向一切智佛
告阿難是故當知以諸善根廻向一切智故得諸波
羅蜜多名以第一義法廻向一切智故得般若波羅
蜜多名是故阿難彼諸善根廻向一切智故般若波
羅蜜多與五波羅蜜多而爲道首彼五波羅蜜多住
般若波羅蜜多相應法中由是般若波羅蜜多故諸
波羅蜜多皆悉圓滿阿難是故我於般若波羅蜜多住
而最稱讚譬如大地散諸種子如其時處隨所和合
各得生長彼諸種子依地而住若不依地不能生長
般若波羅蜜多亦復如是而能攝彼五波羅蜜多如
是五法皆依般若波羅蜜多而住由般若波羅蜜多
而得增長是故五法皆得名爲波羅蜜多阿難是故
當知般若波羅蜜多與彼五法而爲導首爾時帝釋
天主白佛言世尊如佛所說般若波羅蜜多法門有

6 5 4 3 2 1 0 -1 -2 -3 -4 -5

經

佛出世記卷四

二

願三

大功德假使如來應供正等正覺以種種言詞稱揚讚歎亦不能盡是故諸善男子善女人應當於此般若波羅蜜多法門受持讀誦記念思惟如說修行佛言橋尸迦善哉善哉如汝所言此般若波羅蜜多法門我不但說能受持讀誦宣布演說者有大功德若有善男子善女人但能以此般若波羅蜜多書寫經卷置清淨處尊重恭敬以諸香華燈塗幢幡寶蓋上妙衣服作諸供養者當知是人宣布佛法久住世間以是因緣佛眼不斷正法不滅而諸菩薩摩訶薩衆各各受持卽得法眼不壞不滅橋尸迦彼受持讀誦般若波羅蜜多者於現世中獲是功德爾時帝釋天主白佛言世尊若有善男子善女人但能於此般若波羅蜜多書寫經卷置清淨處以諸香華燈塗幢幡寶蓋等隨力供養者我當往彼護念其人令無衰惱何況於此般若波羅蜜多受持讀誦記念思惟轉爲他人解說其義是人功德無量無邊佛告帝釋天主言善哉善哉橋尸迦若有善男子善女人於諸方處說此般若波羅蜜多時有無數百千天子爲聽法故往詣其所聽受正法若說法人有疲倦心不樂說者彼諸天子增益其力使不退沒令其精進樂欲宣說

憍尸迦受持讀誦般若波羅蜜多者於現世中獲是功德復次憍尸迦若受持此正法者善男子善女人於四衆中說此般若波羅蜜多時心無怯懼不畏難問隨問能答離諸過失何以故般若波羅蜜多力所護故於此般若波羅蜜多諸求過失者不得其便所以者何是般若波羅蜜多離諸過失是故宣說般若波羅蜜多者亦復不見有其過失以如是故彼善男子善女人於說法時不生驚怖憍尸迦受持讀誦般若波羅蜜多者於現世中獲是功德復次憍尸迦若善男子善女人受持讀誦般若波羅蜜多者是人卽爲父母親友乃至沙門婆羅門等尊重敬愛若已起若未起一切言訟鬭諍衰惱等事皆悉遠離憍尸迦受持讀誦般若波羅蜜多者於現世中獲是功德復次憍尸迦若善男子善女人以此般若波羅蜜多書寫經卷安置供養隨諸方地有是經處卽有四大王天住阿耨多羅三藐三菩提心者諸天子衆爲敬法故往詣其所瞻禮稱讚隨喜頂受得瞻禮頂受已卽還彼天所有三十三天中住菩提心諸天子衆夜摩天中住菩提心諸天子衆喜足天中住菩提心諸天子衆化樂天中住菩提心諸天子衆他化自在天中

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

住菩提心諸天子衆如是等欲界諸天子衆各各爲敬法故往詣其所瞻禮稱讚隨喜頂受得瞻禮頂受已各各還復彼彼天中又復憍尸迦所有色界諸天所謂梵衆天梵輔天大梵天少光天無量光天光音天少淨天無量淨天徧淨天無雲天福生天廣果天無煩天無熱天善見天善現天色究竟天如是等諸天中住菩提心者諸天子衆爲敬法故往詣其所瞻禮稱讚隨喜頂受得瞻禮頂受已各各還復彼彼天中復次憍尸迦諸有受持讀誦般若波羅蜜多者善男子善女人應生如是心所有十方無量阿僧祇世
界中一切天龍夜叉乾闥婆阿修羅迦樓羅緊那羅
摩睺羅伽人非人等皆悉爲敬法故來詣般若波羅
蜜多經所瞻禮聽受彼等若來我當以其法施使令
得法各各還復憍尸迦若有是般若波羅蜜多經處
我不但說一四大洲欲色界中住菩提心諸天大衆爲敬法故往詣其所瞻禮頂受憍尸迦乃至三千大
千世界諸欲色界中住菩提心諸天子衆各各爲敬法故有是般若波羅蜜多經處往詣其所瞻禮稱讚隨喜頂受得瞻禮頂受已各各還復彼彼天中復次
憍尸迦受持讀誦般若波羅蜜多者諸善男子善女

人隨所住處有是經卷若諸殿堂及諸房舍堅固安
隱不能破壞是處卽有大威力者天龍夜叉乾闥婆
阿修羅迦樓羅緊那羅摩睺羅伽人非人等常來其
所聽受正法爾時帝釋天主白佛言世尊諸天龍神
等衆若來彼善男子善女人當云何知佛告帝釋天
主言憍尸迦受持此正法者善男子善女人若見有
大光明當知卽是諸天龍神等衆來至其所聽受正
法又復若聞諸微妙香當知此相亦是諸天龍神等
衆來至其所是故憍尸迦受持此正法者善男子善
女人隨所住處常應清淨嚴潔其舍去除一切穢惡
等物若彼諸天龍神等衆或時來至其所見是清淨
等相彼天龍神心生歡喜適悅快樂是中有諸先住
小力鬼神皆悉遠避出離其舍何以故彼小力鬼神
常所依附大威力者諸天龍神而彼小力諸鬼神等
常所隨從大力諸天龍神等衆往諸方處是故憍尸
迦隨有是般若波羅蜜多經處若諸持法者常能清
淨嚴潔其是卽尊重正法眼故憍尸迦是善男子
善女人以尊敬受持般若波羅蜜多正法力故於現
世中獲大功德復次憍尸迦是善男子善女人受持
般若波羅蜜多時身無疲倦心不懈怠離諸苦惱適

悅快樂臥安覺安於其夢中見勝境像或見如來應供正等正覺安處道場或見如來應供正等正覺轉大法輪或見如來舍利寶塔或見諸聲聞衆或見諸菩薩摩訶薩或聞宣說般若波羅蜜多甚深法音或聞宣說菩提分法或復見諸菩薩摩訶薩方證阿耨多羅三藐三菩提或見諸菩薩摩訶薩受持此般若波羅蜜多法門或聞宣說般若波羅蜜多攝一切智或見佛刹廣大清淨或聞諸佛世尊以善巧方便說菩薩法或見某如來應供正等正覺於某方某處及某世界與百千俱胝那庾多菩薩聲聞衆恭敬圍遶而爲說法憍尸迦是善男子善女人於其夢中見是勝相覺已輕安身心適悅彼人得是適悅快樂已於諸甘美飲食不生貪想譬如修相應行苾芻從三摩地起於諸甘美飲食不生念想憍尸迦受持般若波羅蜜多者善男子善女人亦復如是何以故是善男子善女人住般若波羅蜜多觀行相應故卽得天龍神等增益色力是故於諸飲食不生念想憍尸迦受持般若波羅蜜多者善男子善女人於現世中獲是功德復次憍尸迦若善男子善女人但能以此般若波羅蜜多書寫經卷安置供養者當知是人獲大

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

功德況復有人爲欲趣求大菩提故於此般若波羅蜜多法門發信解心聽受讀誦廣爲他人解說_{十六義}使令正法久住世間以是因緣佛眼不斷正法不滅而諸菩薩摩訶薩衆各各受持宣佈演說卽得法眼不壞不滅又復尊重恭敬以諸香華燈塗幢幡寶蓋上妙衣服作如是等種種供養當知是以是因緣所獲功德無量無邊是故嬌尸迦若善男子善女人樂欲成就如是最勝功德者應當於此般若波羅蜜多法門發信解心受持讀誦記念思惟乃至爲人廣說其義又復尊重恭敬以諸香華燈塗種種供養

稱讚功德品第四

爾時世尊告帝釋天主言嬌尸迦若以滿闍浮提如來舍利而爲一分以此般若波羅蜜多書寫經卷而爲一分汝於此二分中當取何分帝釋天主白佛言世尊若以滿闍浮提如來舍利及般若波羅蜜多經卷各爲一分者我於此二分中當取般若波羅蜜多分何以故諸佛如來所有化相身實義身說法身如是等身皆從法身所出生故從如實際所出現故如實際者所謂般若波羅蜜多諸佛世尊所有諸身亦復從是般若波羅蜜多生是故得於如來舍利瞻禮

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

供養雖復供養如來舍利不如於此般若波羅蜜多尊重供養所以者何諸如來身從是般若波羅蜜多所出生故世尊譬如我於三十三天善法堂中我處其座爲諸天子宣說法要若時我以因緣起離彼座有諸天子或時來者雖不見我但向其座瞻禮恭敬旋繞而去彼作是念帝釋天主於此座中常爲諸天宣說法要是故我今瞻禮此座世尊如來應供正等正覺亦復如是如來所有一切智依如來身是身復由一切智得以是緣故從如實智出生如來一切智是智復從般若波羅蜜多所生世尊是故我當於

二分中但取般若波羅蜜多分世尊我非於佛舍利不生恭敬以其如來舍利從般若波羅蜜多所生是故我取般若波羅蜜多分是卽供養如來舍利世尊置是滿闍浮提如來舍利若滿四大洲若滿小千世界若滿中千世界如來舍利皆置是數假使滿三千大千世界如來舍利以爲一分此般若波羅蜜多書寫經卷以爲一分世尊於二分中我亦但取般若波羅蜜多分世尊我於如來舍利非不恭敬以其如來應供正等正覺所有舍利從般若波羅蜜多生故諸如來身與一切智爲所依止卽此一切智復從般若

波羅蜜多生是故我於二分中但取般若波羅蜜多
分世尊譬如大摩尼寶具諸色相有大功德在在處
處諸非人類求不得便彼諸非人住處若有男子女
人持是摩尼寶入其舍中彼非人類卽當出離其舍
又復此寶若人暫置身中是人卽能息諸惡毒苦惱
等事又復若有患風癆瘧瘈等病者當以此寶置其
身上是諸痛苦皆悉銷除此摩尼寶於夜闇中能爲
明照若諸地方盛炎熱時此摩尼寶能作清涼若諸
地方極寒冷時此摩尼寶而能溫暖若諸地方大毒
蟲等作諸惡毒若有是大摩尼寶處自當遠去不能
爲害又若有人爲諸毒蟲所傷害者是人若見此摩
尼寶毒卽銷滅又復若人患諸眼病不能觀視諸境
相者當以此寶置其眼上是人卽能明照離諸苦惱
又復若以此寶置於水中是寶卽與水同一色若以
此寶置於青黃赤白衆色水中是寶亦能隨種種色
各同其一又復若以此寶置於青黃赤白衆色衣中
是寶亦能隨諸衣色各同其一若以此寶置濁水中
水卽自清世尊彼摩尼寶具諸色相有是功德爾時
尊者阿難謂帝釋天主言如汝所說大摩尼寶具諸
功德者此爲天上所有寶耶此爲人間所有寶耶帝

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

釋天主白阿難言此是天上大摩尼寶闡浮提人亦有是寶但人少生尊重敬愛唯天中寶人所愛重具諸色相勝功德故若或以其闡浮提寶比天寶者百分不及一千分不及一百千分不及一俱胝分不及一百俱胝分不及一千俱胝分不及一百千俱胝分不及一笑分數分及譬喻分乃至烏波尼殺曇分皆不及一是天摩尼寶圓滿一切相若以寶函盛此妙寶若時取其寶去而此寶函亦具諸功德人所尊敬何以故以盛大寶殊妙器故爾時帝釋天主白佛言世尊般若波羅蜜多亦復如是具足一切智智功德所有如來應供正等正覺般涅槃後所有舍利亦得瞻禮供養何以故一切智智依如來身是故如來舍利同彼寶器一切智智如所盛寶以是義故如來舍利得瞻禮供養世尊若佛如來於一切世界宣說般若波羅蜜多有是卽出生真實供養若說法師能爲人說般若波羅蜜多者亦卽出生真實供養世尊譬威德力故諸說法師亦復如是於一切衆中宣說法要不生怖畏以依大法功德力故是故於說法師尊重供養以供養法師故如來舍利亦得供養世尊如

前所說滿三千大千世界如來舍利假使如碗伽沙
數三千大千世界滿中如來舍利以爲一分般若波
羅蜜多經卷以爲一分世尊我於是二分中亦取般
若波羅蜜多分世尊我非於如來舍利不生重但
爲如來舍利從般若波羅蜜多生故與一切智而爲
所依是故我當尊重供養般若波羅蜜多是故世尊
若供養此般若波羅蜜多者卽同供養過去未來現
在諸佛復次世尊若善男子善女人樂欲見彼十方
無量阿僧祇世界現住說法諸佛如來真實身者應
當於此般若波羅蜜多如法修行於此般若波羅蜜
多安住相應如實觀想爾時世尊告釋天主言如
是如是憍尸迦所有過去如來應供正等正覺皆因
修習是般若波羅蜜多故得成就阿耨多羅三藐三
菩提未來世中所有無量無數如來應供正等正覺
皆因修習是般若波羅蜜多故得成就阿耨多羅三
藐三菩提憍尸迦我今現在如來應供正等正覺亦
修習是般若波羅蜜多故得阿耨多羅三藐三菩提
帝釋天主白佛言世尊大波羅蜜多是謂般若波羅
蜜多如來應供正等正覺以修習是般若波羅蜜多
故如實了知一切衆生種種心行佛言如是如是憍

尸迦諸菩薩摩訶薩於長夜中修行此般若波羅蜜多而能了知一切衆生種種心行爾時帝釋天主復白佛言云何世尊菩薩摩訶薩但行般若波羅蜜多耶亦行餘波羅蜜多耶佛言憍尸迦菩薩摩訶薩皆行六波羅蜜多復次憍尸迦菩薩摩訶薩行此般若波羅蜜多與諸波羅蜜多而爲導首所謂施波羅蜜多能捨戒波羅蜜多能護忍波羅蜜多能受精進波羅蜜多能增長禪定波羅蜜多能靜住般若波羅蜜多能了知諸法以了諸法故而能開導諸波羅蜜多善巧方便而爲攝受由般若波羅蜜多故廻向一切智廻向最勝清淨法界憍尸迦譬如闍浮提中有種種樹種種色相種種莖幹種種枝葉種種華果雖復如是各各差別而諸樹陰同一無異憍尸迦諸波羅蜜多亦復如是雖復差別而以般若波羅蜜多善巧方便皆悉廻向彼一切智帝釋天主白佛言希有世尊般若波羅蜜多具大功德般若波羅蜜多具無量功德般若波羅蜜多具無邊功德

正福品第五之

爾時帝釋天主白佛言世尊若有善男子善女人爲欲趣求大菩提故於此般若波羅蜜多法門發信解

心聽受讀誦乃至爲人解釋其義使其正法久住世間以是因緣能令佛眼不斷正法不滅又復聞已作是稱讚此般若波羅蜜多有大利益是大果報具足無量廣大功德正所了知此般若波羅蜜多是大護持此般若波羅蜜多是所尊重此般若波羅蜜多最上難得此般若波羅蜜多發生信解是善男子善女人於此般若波羅蜜多自所稱讚尊重恭敬又復以諸香華燈塗幢旛寶蓋上妙衣服作如是等種種供養若復有善男子善女人以此般若波羅蜜多經卷轉授他人令其供養世尊如是善男子善女人所獲福德何者爲多佛告帝釋天主言憍尸迦我當問汝隨汝意答於意云何若善男子善女人於佛如來般涅槃後以其舍利尊重恭敬種種供養若復有善男子善女人以佛舍利自供養已轉授他人令其尊重恭敬供養如是善男子善女人所獲福德何者爲多帝釋天王白佛言世尊若善男子善女人雖自供養如來舍利不如有人以佛舍利轉授他人令其供養此所獲福其數甚多佛言如是如是憍尸迦若善男子善女人以此般若波羅蜜多書寫經卷自所供養

不如有人以此般若波羅蜜多書寫經卷轉授他人
令其供養此善男子善女人以是因緣得福甚多復
次憍尸迦若有善男子善女人於彼滿闌浮提所有
衆生各教令修十善業憍尸迦於汝意云何是人
以是因緣得福多不帝釋天主白佛言甚多世尊佛
言憍尸迦是善男子善女人以是因緣得福雖多不
如有人於此般若波羅蜜多發信解心發菩提心住
菩薩法以此般若波羅蜜多書寫經卷受持讀誦生
歡喜心爲人演說或復爲人解釋其義於此正法生
清淨心離諸疑惑轉勸他人使其受持作如是言汝
善男子此般若波羅蜜多是菩薩道汝於是中應當
修學如是學者卽能速證阿耨多羅三藐三菩提能
盡一切諸有情界普令安住真如實際憍尸迦是善
男子善女人得福甚多復次憍尸迦置是滿闌浮提
所有衆生若人以滿四大洲所有衆生各教令修
十善業復置是數若滿小千世界所有衆生而復各
各教修十善亦置是數若滿中千世界所有衆生各
各教修十善亦置是數若滿三千大千世界所有衆
生教修十善亦置是數如是乃至滿殞伽沙數三千
大千世界所有衆生一一教化令修十善憍尸迦於

汝意云何彼人以是因緣得福多不帝釋天主白佛
言甚多世尊佛言憍尸迦是善男子善女人以是因
緣得福雖多不如有人於此般若波羅蜜多發信解
心發菩提心住菩薩法以此般若波羅蜜多書寫經
卷受持讀誦生歡喜心爲人演說或復爲人解釋其
義於此正法生清淨心離諸疑惑轉勸他人使其受
持作如是言汝善男子此般若波羅蜜多是菩薩道
汝於是中應當修學如是學者卽能速證阿耨多羅
三藐三菩提能盡一切諸有情界普令安住真如實
際憍尸迦是善男子善女人得福甚多

音釋

乾闥婆

梵語也此云香陰闥他達切

摩睺羅伽

梵語也此云大腹行臘音侯

廣

胡光切

瘧瘈

瘧徒舍切病液也

佛母出生三法藏般若波羅蜜多經卷第四

附蘇中書舍人徐溶施賁刻此
佛母出生經第四卷計字六千零六十箇該銀
二兩七錢三分二厘
天啓甲子歲次孟春吉日吳江接待寺識

佛母出生三法藏般若波羅蜜多經卷第五六同卷
宋北天竺三藏朝奉大夫試光祿卿傳法大
師施護等奉詔譯

正福品第五之二

復次憍尸迦若善男子善女人以滿闇浮提所有衆
生各各教令修四禪定憍尸迦於汝意云何彼人以
是因緣得福多不帝釋天主白佛言甚多世尊佛言
憍尸迦是善男子善女人以是因緣得福雖多不如
有人於此般若波羅蜜多發信解心發菩提心住菩
薩法以此般若波羅蜜多書寫經卷受持讀誦生歡

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦是善男子善女人得福甚多復次憍尸迦置是滿間浮提所有衆生若滿四大洲所有衆生各各教令修四禪定復置是數若滿小千世界所有衆生各各教令修四禪定亦置是數若滿中千世界所有衆生各各教令修四禪定亦置是數若滿三千大千世界所有衆生各各教令修四禪定亦置是數如是乃至若滿殭伽沙數三千大千世界所有衆生一一教令修四禪定憍尸迦於汝意云何彼人以是因緣得福多不帝釋天主白佛言甚^々世尊佛言憍尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說

應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦當知是人得福甚多復次憍尸迦若滿闇浮提所有衆生各各教修四無量行四無色定乃至普修一切神通梵行諸禪定法及諸福行憍尸迦於汝意云何彼人以是因緣得福多不帝釋天主白佛言甚多世尊佛言憍尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦是善男子善女人得福甚多復次憍尸迦置是滿闇浮提所有衆生各各教修無量無邊神通梵行諸禪定法及諸福行憍尸迦若滿四大洲若滿小千世界若滿中千世界若滿三千大千世界所有衆生各各教修無量無邊神通梵行諸禪定法及諸福行一一皆置是數憍尸迦假

使若滿殫伽沙數三千大千世界所有衆生各各修無量無邊神通梵行諸禪定法及諸福行憍尸迦於汝意云何是人以是因緣得福多不帝釋天主白佛言甚多世尊佛言憍尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普今安住真如實際憍尸迦是善男子善女人得福甚多復次憍尸迦若善男子善女人以此般若波羅蜜多書寫經卷自當受持讀誦轉勸他人使其讀誦得福雖多不如有人以此般若波羅蜜多法門廣爲他人解釋其義憍尸迦當知是善男子善女人得福甚多爾時帝釋天主白佛言世尊當爲何等人解說此般若波羅蜜多佛告帝釋天主言若有善男子善女人於此般若波羅蜜多不能了知者當爲彼說何以故憍尸迦未來世中當有人說相似般若波

羅蜜多若有善男子善女人爲欲趣證阿耨多羅三藐三菩提者聞是相似般若波羅蜜多於中學者則爲錯亂非正了知帝釋天主白佛言世尊未來世中云何說彼相似般若波羅蜜多又復云何悉能辯了佛告帝釋天主言憍尸迦未來世中有諸苾芻作如是說色是無常若身若心及戒定慧悉無所有離諸所觀作是說者當知是說相似般若波羅蜜多憍尸迦云何名爲相似般若波羅蜜多彼作是說壞色故觀色無常壞受想行識故觀受想行識無常若如是求是爲行般若波羅蜜多憍尸迦當知此說皆得名爲相似般若波羅蜜多憍尸迦汝今當知不壞色故觀色無常不壞受想行識故觀受想行識無常作是說者是爲如實宣說般若波羅蜜多憍尸迦以是義故若善男子善女人能爲他人如實解說般若波羅蜜多義者當知是善男子善女人得福甚多復次憍尸迦若善男子善女人以滿闇浮提所有衆生普令安住須陀洹果憍尸迦於汝意云何是善男子善女人以是因緣得福多不帝釋天主白佛言甚多世尊佛言憍尸迦是善男子善女人以是因緣得福雖多不如有人於此般若波羅蜜多發信解心發菩提心

住菩薩法以此般若波羅蜜多書寫經卷受持讀誦
生歡喜心爲人演說或復爲人解釋其義於此正法
生清淨心離諸疑惑轉勸他人使其受持作如是言
汝善男子此般若波羅蜜多是菩薩道汝於是中如
所宣說應當修學如是學者乃名得法卽能速證阿
耨多羅三藐三菩提能盡一切諸有情界普令安住
真如實際憍尸迦是善男子善女人得福甚多何以
故所有須陀洹果從是般若波羅蜜多所出生故憍
尸迦如前所說若人以滿闍浮提所有衆生普令安
住須陀洹果所作福行且置是數假使若滿四大洲
若滿小千世界若滿中千世界若滿三千大千世界
所有衆生普令安住須陀洹果所作福行亦置是數
憍尸迦假使若滿毘伽沙數三千大千世界所有衆
生普令安住須陀洹果憍尸迦於汝意云何是人以
是因緣得福多不帝釋天主白佛言甚多世尊佛言
憍尸迦是善男子善女人以是因緣得福雖多不如
有人於此般若波羅蜜多發信解心發菩提心住菩
薩法以此般若波羅蜜多書寫經卷受持讀誦生歡
喜心爲人演說或復爲人解釋其義於此正法生清
淨心離諸疑惑轉勸他人使其受持作如是言汝善

男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦是善男子善女人得福甚多何以故所有須陀洹果從是般若波羅蜜多所出生故復次憍尸迦若善男子善女人以滿闇浮提所有衆生普令安住斯陀含果憍尸迦於汝意云何此人以是因緣得福多不帝釋天主白佛言甚多世尊佛言憍尸迦是善男子善女人得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦是善男子善女人得福甚多何以故所有斯陀含果從是般若波羅蜜多所出生故憍尸迦如前所說若人以滿闇浮提所有衆生普令安住斯陀含果所作福行且置是數假使若滿四大洲若滿小千世界若滿中

千世界若滿三千大千世界所有衆生普令安住斯
陀含果皆置是數憍尸迦假使若滿殼伽沙數三千
大千世界所有衆生普令安住斯陀含果憍尸迦於
汝意云何是以是因緣得福多不帝釋天主白佛
言甚多世尊佛言憍尸迦是善男子善女人以是因
緣得福雖多不如有人於此般若波羅蜜多發信解
心發菩提心住菩薩法以此般若波羅蜜多書寫經
卷受持讀誦生歡喜心爲人演說或復爲人解釋其
義於此正法生清淨心離諸疑惑轉勸他人使其受
持作如是言汝善男子此般若波羅蜜多是菩薩道
汝於是中如所宣說應當修學如是學者乃名得法
卽能速證阿耨多羅三藐三菩提能盡一切諸有情
界普令安住真如實際憍尸迦是善男子善女人得
福甚多何以故所有斯陀含果從是般若波羅蜜多
所出生故復次憍尸迦若有善男子善女人以滿闍
浮提所有衆生普令安住阿那含果憍尸迦於汝意
云何此人以是因緣得福多不帝釋天主白佛言甚
多世尊佛言憍尸迦是善男子善女人以是因緣得
福雖多不如有人於此般若波羅蜜多發信解心發
菩提心住菩薩法以此般若波羅蜜多書寫經卷受

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦是善男子善女人得福甚多何以故所有阿那含果從是般若波羅蜜多所出生故憍尸迦如前所說若人以滿闇浮提所有衆生普令安住阿那含果所作福行且置是數假使若滿四大洲若滿小千世界若滿中千世界若滿三千大千世界所有衆生普令安住阿那含果皆置是數憍尸迦假使有人以滿宛伽沙數三千大千世界所有衆生普令安住阿那含果憍尸迦於汝意云何是善男子善女人以是因緣得福多不帝釋天主白佛言甚多世尊佛言憍尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝

於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際橋尸迦是善男子善女人得福甚多何以故所有阿那含果從是般若波羅蜜多所出生故復次橋尸迦若有善男子善女人以滿闍浮提所有衆生普令安住阿羅漢果橋尸迦於汝意云何此人以是因緣得福多不帝釋天主白佛言甚多世尊佛言橋尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際橋尸迦是善男子善女人得福甚多何以故所有阿羅漢果從是般若波羅蜜多所出生故又此善男子善女人隨所宣說般若波羅蜜多卽能隨轉以隨轉故如其所說卽能修學得先佛法成就阿耨多羅三藐三菩提是故所有須陀洹斯陀含

阿那含阿羅漢緣覺及彼如來應供正等正覺皆悉
從是般若波羅蜜多出生如所出生如理而得憍尸
迦如前所說若人以滿闇浮提所有衆生普令安住
阿羅漢果且置是數假使若滿四大洲若滿小千世
界若滿中千世界若滿三千大千世界所有衆生普
令安住阿羅漢果皆置是數憍尸迦假使若滿毘舍
沙數三千大千世界所有衆生普令安住阿羅漢果
憍尸迦於汝意云何此人以是因緣得福多不帝釋
天主白佛言世尊是善男子善女人其所得福轉復
甚多算數譬喻所不能及佛言憍尸迦是善男子善
女人以是因緣得福雖多不如有人於此般若波羅
蜜多發信解心發菩提心住菩薩法以此般若波羅
蜜多書寫經卷受持讀誦生歡喜心爲人演說或復
爲人解釋其義於此正法生清淨心離諸疑惑轉勸
他人使其受持作如是言汝善男子此般若波羅蜜
多是菩薩道汝於是中如所宣說應當修學如是學
者乃名得法卽能速證阿耨多羅三藐三菩提能盡
一切諸有情界普令安住真如實際憍尸迦是善男
子善女人得福甚多何以故所有阿羅漢果從是般
若波羅蜜多所出生故又此善男子善女人隨所宣

9 7 8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4 5

說般若波羅蜜多卽能隨轉以隨轉故如其所說卽能修學得先佛法成就阿耨多羅三藐三菩提是故所有須陀洹斯陀含阿那含阿羅漢緣覺及彼如來應供正等正覺皆悉從是般若波羅蜜多出生如所出生如理而得復次憍尸迦若有善男子善女人以滿闇浮提所有衆生若滿四大洲若滿小千世界若滿中千世界若滿三千大千世界乃至若滿殞伽沙數三千大千世界所有衆生普令安住諸緣覺果憍尸迦於汝意云何此人以是因緣得福多不帝釋天主白佛言甚多世尊佛言憍尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中如所宣說應當修學如是學者乃名得法卽能速證阿耨多羅三藐三菩提能盡一切諸有情界普令安住真如實際憍尸迦是善男子善女人得福甚多何以故所有緣覺果從是般若波羅蜜多所出生故又此善男子善女人隨所宣說般若

波羅蜜多卽能隨轉以隨轉故卽能修學得先佛法
成就阿耨多羅三藐三菩提是故所有須陀洹乃至
如來應供正等正覺皆悉從是般若波羅蜜多出生
如所出生如理而得復次憍尸迦若滿間浮提中所
有衆生皆發阿耨多羅三藐三菩提心若有善男子
善女人以此般若波羅蜜多書寫經卷普施一切使
其受持不如有人以此般若波羅蜜多書寫經卷與
一住不退轉菩薩摩訶薩令其於此般若波羅蜜多
修學相應堅固增長廣大圓滿成就佛法憍尸迦當
知是善男子善女人得福甚多何以故此般若波羅
蜜多出生阿耨多羅三藐三菩提故憍尸迦如前所
說若滿間浮提所有衆生皆發阿耨多羅三藐三菩
提心且置是數假使若滿四大洲若滿小千世界若
滿中千世界若滿三千大千世界乃至若滿殭伽沙
數三千大千世界所有衆生皆發阿耨多羅三藐三
菩提心若善男子善女人以此般若波羅蜜多書寫
經卷普施一切使其受持憍尸迦不如有人以此般
若波羅蜜多書寫經卷與一住不退轉菩薩摩訶薩
令其於此般若波羅蜜多修學相應堅固增長廣大
圓滿成就佛法憍尸迦當知是善男子善女人得福

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

甚多何以故此般若波羅蜜多出生阿耨多羅三藐三菩提故復次憍尸迦若滿闇浮提所有衆生一切皆住不退轉地若有善男子善女人以此般若波羅蜜多法門普爲一切解釋其義憍尸迦於汝意云何此人以是因緣得福多不帝釋天主白佛言世尊是善男子善女人所獲福德轉復甚多無量無邊算數譬喻所不能及佛言憍尸迦此人以是因緣得福雖多不如有人爲一將證阿耨多羅三藐三菩提者以此般若波羅蜜多法門解釋其義當知是人得福甚多憍尸迦如前所說滿闇浮提所有衆生皆住不退轉地若人普爲解釋其義且置是數假使若滿四大洲若滿小千世界若滿千千世界若滿三千大千世界乃至若滿宛伽沙數三千大千世界所有衆生一切皆住不退轉地若善男子善女人以此般若波羅蜜多法門普爲一切解釋其義憍尸迦於汝意云何此人以是因緣得福多不帝釋天主白佛言世尊是善男子善女人所獲福德無量無邊算數譬喻所不能及佛言憍尸迦此人以是因緣得福雖多不如有人爲一將證阿耨多羅三藐三菩提者以此般若波羅蜜多法門解釋其義當知是人得福甚多憍尸迦

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

菩薩摩訶薩修學是般若波羅蜜多故速得阿耨多羅三藐三菩提爾時帝釋天主白佛言世尊菩薩摩訶薩隨轉般若波羅蜜多故得近阿耨多羅三藐三菩提隨近阿耨多羅三藐三菩提故當隨教受般若波羅蜜多如所教受故隨近一切智是故當以飲食衣服臥具醫藥種種供養般若波羅蜜多隨其所作一切福行彼獲福德無量無邊何以故得近阿耨多羅三藐三菩提成就一切智爾時尊者須菩提讚帝釋天主言善哉善哉憍尸迦汝善開導諸菩薩摩訶薩復能護念諸菩薩摩訶薩憍尸迦佛諸弟子皆以

阿耨多羅三藐三菩提法護念諸菩薩摩訶薩令厭阿耨多羅三藐三菩提心今住阿耨多羅三藐三菩提果何以故過去諸菩薩摩訶薩皆因學是六波羅蜜多故發菩提心住菩提果今佛世尊亦學是六波羅蜜多故得菩提果未來諸菩薩摩訶薩亦復如是是故憍尸迦若菩薩摩訶薩不學是六波羅蜜多即不能得阿耨多羅三藐三菩提果

佛母出生三法藏般若波羅蜜多經卷第五

佛母出生三法藏般若波羅蜜多經卷第六

宋北天竺三藏朝奉大夫試光祿卿傳法大
師施護等奉詔譯

隨喜迴向品第六之一

爾時慈氏菩薩摩訶薩告尊者須菩提言若菩薩摩訶薩於此甚深般若波羅蜜多法門隨喜迴向所獲功德比餘衆生布施持戒修定功德最上最極最勝最妙廣大無量無等無等等是故於此甚深正法應當隨喜如理迴向是時尊者須菩提白慈氏菩薩言若菩薩摩訶薩於十方一切處無量無數無邊不可思議不可稱計二千大千世界一一世界中所有過去已入涅槃無量無數無邊如來應供正等正覺是諸如來從初發心乃至成就阿耨多羅三藐三菩提果已入無餘依大涅槃界乃至法滅已來於其中間所有諸佛世尊戒蘊定蘊慧蘊解脫蘊解脫知見蘊及彼六波羅蜜多相應善根諸佛功德相應善根方便願力智波羅蜜多廣大神通相應善根一切智智正行相應出生善根乃至大慈大悲無量無邊利益安樂一切衆生佛功德聚如是一切波羅蜜多法門出生一切最勝神通離障無著種種行法無能勝無

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經
佛子出生說第卷六
經
等無限量無所觀如來如實智力如來知見乃至具足圓滿如來十力四無所畏一切勝義法門所有如來轉大法輪執大法炬擊大法鼓吹大法螺作大法樂雨大法雨了大法智以大法財施諸衆生說諸佛法諸緣覺法及聲聞法普今衆生於中修學所有一切最勝善根及彼諸佛爲諸菩薩摩訶薩衆授記當得阿耨多羅三藐三菩提果是諸菩薩所有六波羅蜜多相應善根又復爲諸緣覺乘人授緣覺記而彼所有一切善根又復有諸聲聞乘人行於布施持戒修定所有功德及諸有學無漏無學無漏如是善根又復所有諸愚異生所種善根及其四衆苾芻苾芻尼優婆塞優婆夷所行布施持戒修定功德乃至天龍夜叉乾闥婆阿脩羅迦樓羅緊那羅摩睺羅伽人及非人傍生異類聞佛說法所種善根乃至如來入涅槃後一切衆生於佛法僧所種善根如是等種善根種種功德盡無盡相和合聚集稱計較量修菩薩者以最上最極最勝最妙廣大無量無等無等心皆悉隨喜以如是隨喜功德廻向阿耨多羅三藐三菩提作如是言願我以此善根當得阿耨多羅三藐三菩提果而此修菩薩者所有諸緣諸事諸相

從心所生如心取相爲可得不爾時慈氏菩薩生尊者須菩提言不也須菩提所有諸緣諸事諸相從心所生如心取相皆不可得須菩提復白慈氏菩薩言若諸緣諸事諸相如心所取不可得者是人將無想顛倒心顛倒見顛倒耶何以故有所生故無常謂常以苦謂樂不淨謂淨無我謂我於疑惑心謂正思惟由是於想心見皆成顛倒若於諸緣諸事諸相一亦然諸法亦然菩提亦然若諸緣諸事諸相菩提及心皆住如實法者即無所生亦無所取由如是故心法亦然諸法亦然菩提亦然若諸緣諸事諸相菩提及心皆無異者即於何所緣取於何相當以何心隨喜功德又復以何善根迴向阿耨多羅三藐三菩提爾時慈氏菩薩摩訶薩謂尊者須菩提言如汝所說此迴向法不應爲彼新發意菩薩如是宣說何以故彼若聞是說已所有信解愛樂恭敬淨心皆悉隱滅以是義故不應爲說若有住不退轉菩薩摩訶薩隨順善知識者應當爲彼如是宣說而彼菩薩聞是法已不驚不怖亦不退沒如是菩薩摩訶薩能以隨喜功德如實迴向彼一切智爾時尊者須菩提白慈氏菩薩言若菩薩起隨喜心迴向心是心卽盡卽滅卽離當以何心而能隨喜復以何心而用迴向阿耨多羅

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

三藐三菩提若以心心能廻向者是二心不俱亦無所有若諸心自性又不能廻向卽以何心能廻向耶爾時帝釋天主白尊者須菩提言若有新發意菩薩聞作是說將無驚怖生退沒耶尊者今云何是如實隨喜如實廻向應當云何是隨喜法又復云何是廻向心爾時尊者須菩提以慈氏菩薩摩訶薩威神加持力故復白慈氏菩薩言諸菩薩摩訶薩於過去諸佛道悉已修習已滅戲論去除棘刺捨諸重擔得大善利諸有結縛皆悉已盡正智無礙心得自在諸心善寂是諸菩薩於十方一切處無量無數三千大千世界一一世界中所有過去無量無數已入涅槃諸佛如來是諸如來從初發心乃至成就阿耨多羅三藐三菩提果已入無餘依大涅槃界乃至法滅已來於其中間所有諸佛世尊諸波羅蜜多相應善根及彼種種福行善根諸佛戒定慧解脫解脫知見諸蘊善根乃至大慈大悲無量無邊利益安樂一切衆生佛功德聚及佛所說種種法門一切衆生於是中學住解安住所有善根及佛世尊爲諸菩薩授阿耨多羅三藐三菩提記是諸菩薩所有六波羅蜜多相應善根又復爲諸緣覺乘人授緣覺記而彼所有一切

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

善根又復有諸聲聞乘人行於布施持戒修定所有功德及諸有學無漏無學無漏如是善根又復所有諸愚異生所種善根乃至天龍夜叉乾闥婆阿修羅迦樓羅緊那羅摩睺羅伽人及非人傍生異類聞佛說法所種善根乃至如來入涅槃後一切衆生所種善根如是等種種善根種種功德和合聚集稱計較量是諸菩薩一一隨喜以此隨喜功德迴向阿耨多羅三藐三菩提慈氏若菩薩摩訶薩作如是迴向云何當得不墮想顛倒心顛倒見顛倒爾時慈氏菩薩告尊者須菩提言若菩薩摩訶薩所用心隨喜及迴向時於是心中不生心想如實知心無所取相若菩薩摩訶薩能以如是隨喜功德迴向阿耨多羅三藐三菩提者是菩薩摩訶薩卽得不墮想心見倒若復於心不如實知以有得想而迴向者是菩薩摩訶薩不能遠離想心見倒又復若諸菩薩摩訶薩以有得心而迴向者是心卽盡卽滅卽離彼盡滅心不能迴向若以無所得心而迴向者是卽如實迴向法性若法如是迴向故卽法性亦然法性如是迴向故卽諸法亦然若菩薩摩訶薩能如是迴向者是爲正迴向不名邪迴向而此迴向法菩薩摩訶薩應當如是學

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經
卷之二十一

三

復四

復次尊者須菩提若菩薩摩訶薩如過去諸佛善根如是隨喜廻向若於未來諸佛道悉已修習已滅戲論得大善利是諸如來從初發心乃至成就阿耨多羅三藐三菩提果已入無餘依大涅槃界乃至法滅已來於其中間所有諸佛世尊諸波羅蜜多相應善根及彼諸佛戒定慧解脫解脫知見諸蘊善根乃至大慈大悲無量無邊利益安樂一切衆生佛功德聚及佛所說種種法門一切衆生於是中學信解安住所有善根及佛世尊爲諸菩薩授阿耨多羅三藐三菩提記是諸菩薩所有六波羅蜜多相應善根又復爲諸緣覺乘人授緣覺記而彼所有一切善根又復有諸聲聞乘人行於布施持戒修定所有善根及諸有學無漏無學無漏如是善根又復所有諸愚異生所種善根乃至天龍夜叉乾闔婆阿修羅迦樓羅緊那羅摩睺羅伽人及非人傍生異類聞佛說法所種善根乃至如來入涅槃後一切衆生所種善根如是等種種善根種種功德和合聚集稱計較量是諸菩薩一一隨喜以此隨喜功德廻向阿耨多羅三藐三菩提尊者須菩提而彼菩薩所用心隨喜及廻向時若於是心中不生心想如實知心無所取相能以如

是隨喜功德迴向阿耨多羅三藐三菩提者是菩薩
卽得不墮想心見倒若復於心不如實知以有得想
而迴向者是菩薩不能遠離想心見倒又復若諸菩
薩以有得心而迴向者是心卽盡卽滅卽離彼盡滅
心不能迴向若以無所得心而迴向者是卽如實迴
向法性若法如是迴向故卽法性亦然法性如是迴
向故卽諸法亦然若如是迴向者是爲正迴向不名
邪迴向復次尊者須菩提菩薩摩訶薩如未來諸佛
善根如是隨喜迴向若於現在諸佛如來從初發心
乃至成就阿耨多羅三藐三菩提果已入無餘依大
涅槃界乃至法滅已來於其中間所有諸佛世尊一
切善根乃至如來入涅槃後一切衆生所種善根如
是等種種善根種種功德和合聚集稱計較量是諸
菩薩一一隨喜以此隨喜功德迴向阿耨多羅三藐
三菩提尊者須菩提而彼菩薩所用心隨喜及迴向
時於是心中不生心想如實知心無所取相若能如
是隨喜功德迴向阿耨多羅三藐三菩提者是菩薩
卽得不墮想心見倒若復以其有所得心而迴向者
是菩薩不能遠離想心見倒而彼菩薩摩訶薩當如
實知所用心迴向時是心卽盡卽滅卽離彼盡滅心

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

卽不能廻向若以無所得心而廻向者是卽如實廻向法性若法如是廻向故卽法性亦然法性如是廻向故卽諸法亦然若菩薩摩訶薩於如是過去未來現在法中能如實知如實廻向者是爲正廻向不名邪廻向復次須菩提菩薩摩訶薩若欲如實廻向阿耨多羅三藐三菩提者當觀諸法猶如虛空離一切相何以故若於諸法如實了知卽無心無非心是能知者無法無非法爲所知相若菩薩於如是法中能廻向者是名最上廻向是故得名菩薩摩訶薩正修福行何以故若種種法及種種行皆寂淨故所有隨喜功德廻向阿耨多羅三藐三菩提亦復如是若如實知諸行皆寂無所動者是菩薩摩訶薩卽能具足般若波羅蜜多方便於佛世尊入涅槃後所有善根若體若相若自性若法性皆如實知卽能廻向阿耨多羅三藐三菩提何以故諸佛世尊所有一切相應行法非三世故若過去世彼法已離已滅已盡若未來世當所未至若現在世今卽無住復無所得非境界相若取相者卽於阿耨多羅三藐三菩提住不平等邪念相應生疑惑想不能安住正念正意邪所思覺如是卽不名廻向阿耨多羅三藐三菩提若菩薩

摩訶薩於諸善根無所取相無所得心以是心廻向者是爲廻向阿耨多羅三藐三菩提如是廻向法菩薩應當學若如是學者彼能具足善巧方便若諸善根有是善巧方便而用廻向者卽得近一切智若諸菩薩摩訶薩樂欲修學此方便者應當於此般若波羅蜜多法門聽受讀誦記念思惟請問其義如所解了廣爲他說是爲般若波羅蜜多方便若不得般若波羅蜜多方便卽不能以諸善根廻向阿耨多羅三藐三菩提何以故我相已滅諸行已寂遠離種種有所得想若復有人於一切法而生取相墮疑惑見不能安住如實法中於如實法生有得想若以如是善根廻向阿耨多羅三藐三菩提者諸佛如來非所印可亦不隨喜何以故如是廻向名爲大貪於一切法生疑惑心復於諸相不能寂靜生有得想如來應供正等正覺亦不說爲有大利益而此廻向名爲雜毒苦惱譬如世間上味飲食諸色香味皆悉具足而彼食中爲毒所雜諸有智者知雜毒故而不取食愚癡無智不能覺了但取食之彼初食時色香美味雖所愛樂食力銷已苦報現前以是緣故而趣命終尊者須菩提汝今當知諸有隨喜善根發廻向心者不能

9 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

受持讀誦般若波羅蜜多亦復如是何以故不能具足般若波羅蜜多方便故不能解了甚深正義於如實道不能安住自不了知彼如實法復爲他人展轉教授作如是言汝善男子當於過去未來現在諸佛世尊所有戒定慧解脫解脫知見諸蘊善根及彼所有過現未來諸佛世尊從初發心乃至成就阿耨多羅三藐三菩提果已入無餘依大涅槃界於其中間所有功德及爲諸菩薩摩訶薩授記當得阿耨多羅三藐三菩提果是諸菩薩所有善根又復爲諸緣覺乘人授緣覺記是諸緣覺所有善根及諸聲聞修施戒等於佛滅後法滅已來於其中間所種善根乃至愚夫異生所有善根如是等種種善根種種功德和合聚集稱計較量盡無盡相汝等應當一一隨喜以此隨喜善根迴向阿耨多羅三藐三菩提須菩提彼人若作是言勸令如是隨喜迴向者如美食中而雜諸毒此迴向法名爲雜毒苦惱諸修菩薩行者於自所行尚不應起此迴向心況復如是轉勸他人令修此法若於是相取爲實者不名隨喜諸佛功德不名受持不名迴向若諸菩薩樂欲如實隨喜諸佛如來所有最上一切善根如實迴向阿耨多羅三藐三菩

6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

提者應當隨順如來應供正等正覺如其佛眼如實觀察如其佛智如實了知無所生無所得若能如是隨喜性若法性如實了知無所生無所得若能如是隨喜善根佛所印可佛亦隨喜諸菩薩摩訶薩如是隨喜者是正隨喜以此善根廻向阿耨多羅三藐三菩提如來應供正等正覺最上稱讚如是廻向名大廻向廻向法界善得圓滿內心清淨解脫無礙復次諸修菩薩乘善男子等修習如是廻向法者於佛如來所有戒定慧解脫解脫知見無繫無著不繫欲界不繫色界不繫無色界亦復不繫過去未來現在三世不

繫諸法不繫廻向法修菩薩者如是知已不壞廻向法是大廻向善得圓滿廻向法界如是廻向不取諸相遠離邪法名正廻向如來應供正等正覺真實印可亦復隨喜菩薩摩訶薩應當如是學爾時世尊讚尊者須菩提言善哉善哉須菩提汝善作佛事能爲諸菩薩摩訶薩請問其義須菩提諸菩薩摩訶薩若能如是廻向法界法性如佛世尊所有知見於諸善根如實覺了若體若相若自性若法性了無所生復無所得如是廻向我所印可我亦隨喜如是福蘊無量無邊不可稱計須菩提假使三千大千世界所有

9 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經
卷
一切衆生一一皆修十善業道所獲福蘊其數甚多而此菩薩摩訶薩發最勝心迴向法界者所有福蘊比前福蘊最上最極最勝最妙廣大無量無等無等復次須菩提且置是數假使三千大千世界所有一切衆生一一皆修四無量行一一皆得四禪定法四無色定及五神通如是福行其數甚多而此菩薩摩訶薩發最勝心迴向法界所有福蘊比前福蘊最上最極最勝最妙廣大無量無等無等

佛母出生三法藏般若波羅蜜多經卷第六

始蘇中書舍人徐濬施貴刻印
佛母出生經五六同卷許字一萬四百二十三錢銀四兩六錢九分吳江接待寺識

佛母出生三法藏般若波羅蜜多經卷第七第八同

宋北天竺三藏朝奉大夫試光祿卿傳法大師施護等奉詔譯

隨喜廻向品第六之二

復次須菩提如前所說四無量行乃至五神通行皆置是數假使三千大千世界一切衆生一一皆得須陀洹斯陀含阿那含阿羅漢果如是福蘊亦置是數假使三千大千世界一切衆生一一皆得彼緣覺果如是福蘊亦置是數須菩提假使三千大千世界一

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

切衆生皆發阿耨多羅三藐三菩提心是諸衆生卽得名爲發心菩薩而此菩薩一一皆於毘伽沙數劫中以其飲食衣服臥具醫藥及餘樂具普施毘伽沙數世界一切衆生而諸菩薩作是施時一一皆起最勝上心生尊重想須菩提於汝意云何是諸菩薩得福多不須菩提白佛言甚多世尊而此福蘊無量無數無有邊際美分數分及譬喻分乃至烏波尼殺曇分皆不能及佛言不也須菩提若有住菩薩乘諸善男子於此般若波羅蜜多修習方便爲般若波羅蜜多所護者而能以少善根迴向阿耨多羅三藐三菩提是卽如實迴向法界如是迴向所有福蘊比前菩薩布施福蘊而彼百分不及此一千分不及一萬億俱胝那庾多分乃至烏波尼殺曇分皆不及一何以故此般若波羅蜜多方便善根勝前菩薩有所得心布施行故以是福蘊不可等比爾時四大王天有一萬天子在佛會中聞作是說合掌恭敬俱白佛言世尊若菩薩摩訶薩於此般若波羅蜜多修習方便爲般若波羅蜜多所護者能以善根如實迴向彼一切智如是迴向是大迴向所獲福蘊勝前菩薩有所得心布施福蘊爾時三十三天有十萬天子卽時兩衆

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

天華天香塗香及末香等并餘種種幢旛寶蓋天妙音樂乃至一切寶嚴天衣天諸珍寶以如是等恭敬供養而作是言世尊若菩薩摩訶薩於此般若波羅蜜多修習方便爲般若波羅蜜多所護者能以善根迴向法界如是迴向是大迴向所獲福蘊勝前菩薩有所得心布施福蘊世尊我等諸天子衆皆於如是菩薩摩訶薩所生最勝心恭敬供養尊重稱讚彼諸天子發是言時其聲普聞一切世界是時夜摩天中十萬天子知足天中十萬天子化樂天中十萬天子他化自在天中十萬天子如是等欲界諸天子衆復

有色界梵衆天梵輔天大梵天少光天無量光天光音天少淨天無量淨天徧淨天無雲天福生天廣果天無煩天無熱天善見天善現天色究竟天如是等天中諸天子衆各各合掌恭敬而白佛言希有世尊若菩薩摩訶薩於此般若波羅蜜多修習方便爲般若波羅蜜多所護者能以善根迴向法界如是迴向勝前菩薩有所得心布施福蘊爾時世尊告淨居天等諸天子言如前所說三千大千世界所有發心菩薩一一於其毘伽沙數劫中廣施衆生如是福蘊且置是數天子假使毘伽沙數三千大千世界一切衆

生皆發阿耨多羅三藐三菩提心是諸發心菩薩一
於其死伽沙數劫中以其飲食衣服臥具醫藥及
餘樂具普施死伽沙數三千大千世界一切衆生若
菩薩摩訶薩於此般若波羅蜜多修習方便爲般若
波羅蜜多所護者能於過去未來現在諸佛所有戒
定慧解脫解脫知見諸蘊善根及緣覺聲聞所有善
根如是等種種善根和合聚集稱計較量以最上最
極最勝最妙廣大無量無等無等等心皆悉隨喜以
此隨喜善根如實迴向阿耨多羅三藐三菩提須菩
提此菩薩如是隨喜福蘊比前菩薩布施福行而彼
百分不及此一千分不及一萬億俱胝那庾多分乃
至烏波尼殺曇分皆不及一何以故具足般若波羅
蜜多方便者勝前菩薩有所得心布施行故爾時尊
者須菩提白佛言世尊如佛所言菩薩摩訶薩修習
般若波羅蜜多方便爲般若波羅蜜多所護者於諸
善根能以最上最極最勝最妙廣大無量無等無等
等心如實隨喜迴向阿耨多羅三藐三菩提世尊當
云何是最上最極乃至無等等心又復何名如實隨
喜佛告須菩提若菩薩摩訶薩於過去未來現在諸
法不取不捨無念無得離諸疑惑不生分別無過去

法已生已滅無未來法未生未滅無現在法卽生卽滅當觀諸法猶如虛空離一切相無所動轉不生不滅不來不去彼諸法相卽諸法性如其法性如實隨喜如所隨喜迴向亦然須菩提若菩薩於一切法能起此心者是卽名爲最上最極最勝最妙廣大無量無等無等心卽以此心而隨喜者乃可得名如實隨喜以此隨喜善根迴向阿耨多羅三藐三菩提者是故名爲如實迴向復次須菩提如前所說毘伽沙數三千大千世界所有一切發心菩薩一一於其毘伽沙數劫中修布施行且置是數須菩提若毘伽沙數三千大千世界一切衆生皆發阿耨多羅三藐三菩提心是諸發心菩薩一一於其毘伽沙數劫中修持淨戒身善所作語善所作意善所作彼諸菩薩於毘伽沙數劫中如是持戒不生過失若菩薩摩訶薩於此般若波羅蜜多修習方便爲般若波羅蜜多所護者能於過去未來現在諸佛所有戒定慧解脫解脫知見諸蘊善根及緣覺聲聞所有善根如是等種種善根和合聚集稱計較量以最上最極最勝最妙廣大無量無等無等心皆悉隨喜以此隨喜善根迴向阿耨多羅三藐三菩提須菩提此菩薩如是隨

喜福蘊比前菩薩持戒福行而彼百分不及此一千分不及一萬億俱胝那庾多分乃至烏波尼殺曇分皆不及一何以故具足般若波羅蜜多方便者勝前菩薩有所得心持戒行故復次須菩提如前所說碗伽沙數三千大千世界所有一切發心菩薩一一於其碗伽沙數劫中持淨戒行且置是數須菩提若碗伽沙數三千大千世界一切衆生皆發阿耨多羅三藐三菩提心是諸發心菩薩一一於其碗伽沙數劫中持忍辱行不忿不恚乃至不起一切惡念彼諸菩薩於碗伽沙數劫中如是忍辱不生忿恚若菩薩摩訶薩於此般若波羅蜜多修習方便爲般若波羅蜜多所護者能於過去未來現在諸佛所有戒定慧解脫解脫知見諸蘊善根及緣覺聲聞所有善根如是等種種善根和合聚集稱計較量以最上最極最勝最妙廣大無量無等無等等心皆悉隨喜以此隨喜善根迴向阿耨多羅三藐三菩提須菩提此菩薩如是隨喜福蘊比前菩薩忍辱福行而彼百分不及此一千分不及一萬億俱胝那庾多分乃至烏波尼殺曇分皆不及一何以故具足般若波羅蜜多方便者勝前菩薩有所得心忍辱行故復次須菩提如前所

東京大學総合図書館所蔵
滿丹出毛皮鑑藏印
經
佛說法華經卷第
五
廣
東京大學総合図書館所蔵

說碗伽沙數三千大千世界所有一切發心菩薩。一
於其碗伽沙數劫中持忍辱行且置是數須菩提。
若碗伽沙數二千大千世界一切衆生皆發阿耨多
羅三藐三菩提心是諸發心菩薩一一於其碗伽沙
數劫中修精進行勇猛堅固不退不失遠離惛沉睡
眠及諸障法彼諸菩薩於碗伽沙數劫中如是精進
不生懈退若菩薩摩訶薩於此般若波羅蜜多修習
方便爲般若波羅蜜多所護者能於過去未來現在
諸佛所有戒定慧解脫解脫知見諸蘊善根及緣覺
聲聞所有善根如是等種種善根和合聚集稱計較
量以最上最極最勝最妙廣大無量無等無等等心
皆悉隨喜以此隨喜善根迴向阿耨多羅三藐三菩
提須菩提此菩薩如是隨喜福蘊比前菩薩精進福
行而彼百分不及此一千分不及一萬億俱胝那庾
多分乃至烏波尼殺曇分皆不及一何以故具足般
若波羅蜜多方便者勝前菩薩有所得心精進行故
復次須菩提如前所說碗伽沙數三千大千世界所
有一切發心菩薩一一於其碗伽沙數劫中修精進
行且置是數須菩提若碗伽沙數三千大千世界一
切衆生皆發阿耨多羅三藐三菩提心是諸發心菩

薩一一於其宛伽沙數劫中修四禪定安住寂靜彼諸菩薩於宛伽沙數劫中如是修定遠離一切動亂等相若菩薩摩訶薩於此般若波羅蜜多修習方便爲般若波羅蜜多所護者能於過去未來現在諸佛所有戒定慧解脫解脫知見諸蘊善根及緣覺聲聞所有善根如是等種種善根和合聚集稱計較量以最上最極最勝最妙廣大無量無等無等等心皆悉隨喜以此隨喜善根迴向阿耨多羅三藐三菩提須菩提此菩薩如是隨喜福蘊比前菩薩修定福行而彼百分不及此一千分不及一萬億俱胝那庾多分乃至烏波尼殺曇分皆不及一何以故具足般若波羅蜜多方便者勝前菩薩有所得心修定行故佛告須菩提若諸菩薩摩訶薩樂欲於其過去未來現在諸佛六波羅蜜多法門如理修學如實隨喜者當於諸法住如實義如實義者謂解脫性如所解脫布施亦如是如所解脫持戒忍辱精進禪定智慧皆亦如是如所解脫解脫亦如是如所解脫解脫知見亦如是如所解脫解脫亦如是如所解脫過去已滅法未來未生法現在無住法皆亦如是如所解脫十方三

世無量無數一切諸佛及諸佛法亦如是如所解脫所有菩薩緣覺聲聞及彼諸法亦如是如是等乃至一切法無縛無解無住無著所解脫性卽諸法性須菩提菩薩摩訶薩於一切法如是知者當於六波羅蜜多法門如是修學如是隨喜以此隨喜善根如實迴向阿耨多羅三藐三菩提

地獄緣品第七之一

爾時尊者舍利子白佛言世尊般若波羅蜜多出生一切智智一切智性卽般若波羅蜜多耶佛言舍利子如是如是如汝所說舍利子復白佛言世尊般若波羅蜜多所應敬禮般若波羅蜜多所應尊重般若波羅蜜多是大光明般若波羅蜜多清淨無染般若波羅蜜多廣大照曜般若波羅蜜多攝三界相卽三界性般若波羅蜜多爲清淨眼能照一切煩惱染法般若波羅蜜多是所依止般若波羅蜜多是無上法般若波羅蜜多廣攝一切菩提分法般若波羅蜜多爲大法炬普照世間一切闇暝般若波羅蜜多是無所畏能救一切怖畏衆生般若波羅蜜多是卽五眼能照一切世出世道般若波羅蜜多爲智慧光照破一切癡闇等法般若波羅蜜多爲諸導首引示衆生

67890123456789201234567893012345

趣入聖道般若波羅蜜多是一切智藏普攝煩惱等障爲作斷滅般若波羅蜜多是無生法無滅法無起法無作法般若波羅蜜多自相本空般若波羅蜜多是諸菩薩母般若波羅蜜多爲諸法眼照明諸佛所有十力四無所畏般若波羅蜜多是所依怙能救一切無依衆生般若波羅蜜多是安樂法能斷衆生生死苦惱般若波羅蜜多能示諸法真實自性般若波羅蜜多隨順法相圓滿三轉十二行輪世尊般若波羅蜜多有如是等種種功德諸菩薩摩訶薩於此法門應當云何瞻禮恭敬佛告尊者舍利子言菩薩摩訶薩於此般若波羅蜜多法門應如師想如諸佛想尊重恭敬瞻禮稱讚如是瞻敬般若波羅蜜多故是卽瞻敬諸佛世尊爾時帝釋天主卽起是念尊者舍利子今以何緣而生此問作是念已前白尊者舍利子言尊者有何因緣如是問佛舍利子言憍尸迦如佛所說諸菩薩摩訶薩修習般若波羅蜜多方便爲般若波羅蜜多所護者卽能於彼一切善根如實隨喜如實廻向彼一切智而此般若波羅蜜多有大功德勝諸菩薩有所得心布施持戒忍辱精進禪定福行以是緣故我作此問憍尸迦汝今當知此般若波

羅蜜多與五波羅蜜多而爲導首引示今入一切智道譬如世間有其盲人雖聚百千萬衆欲有所往而皆不能知所行道若無導師彼終不能進趣城邑聚落方處若有目人爲作先導彼諸盲者卽能達彼一切方處僑尸迦所有布施持戒忍辱精進禪定猶如盲人雖復修習無量福行欲至一切智果若不以此般若波羅蜜多而爲導首畢竟不能如實趣向一切智道況復能得一切智果若此布施等法得般若波羅蜜多爲導首者卽得智慧之眼而能照達一切智道卽得趣證一切智果又復布施持戒忍辱精進禪定爲般若波羅蜜多力所助者是故此五卽得名爲波羅蜜多爾時尊者舍利子曰佛言世尊般若波羅蜜多爲何法故生佛言舍利子般若波羅蜜多不見有色不爲色故生不見受想行識不爲受想行識故生若此五蘊有所生相卽般若波羅蜜多爲彼故生而此五蘊旣無所生是故般若波羅蜜多不爲諸法故生舍利子復白佛言世尊若般若波羅蜜多如是生者當於何法有所成耶佛言舍利子般若波羅蜜多雖如是生無少法可成由無法成故乃得名爲般若波羅蜜多爾時帝釋天主聞是說已卽白佛言世

尊般若波羅蜜多豈不成於一切智耶佛言憍尸迦如汝所言般若波羅蜜多亦成一切智然非有所得故成亦非名相起作故成帝釋天主言世尊當云何成佛言憍尸迦諸法無所成如是成帝釋天主復白佛言希有世尊今此般若波羅蜜多無所生無所滅彼一切法亦無生無滅無住無著是卽般若波羅蜜多爾時尊者須菩提白佛言世尊若生如是心有分別者卽達般若波羅蜜多卽失般若波羅蜜多卽不成就般若波羅蜜多佛言須菩提如是如是有是因緣卽達般若波羅蜜多卽失般若波羅蜜多卽不

成就般若波羅蜜多何以故此般若波羅蜜多於色無所表示受想行識亦無所表示須陀洹斯陀含阿那含阿羅漢緣覺菩薩及佛世尊皆悉無所表示故尊者須菩提復白佛言世尊大波羅蜜多是般若波羅蜜多耶佛言須菩提於汝意云何以何因緣謂大波羅蜜多是般若波羅蜜多須菩提白佛言世尊色無大無小無集無散離諸起作受想行識亦無大無小無集無散離諸起作所有如來十力等法不作有力不作無力亦無集散乃至一切智亦無大小集散諸起作等何以故一切法無大小無集散離起作住

6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

經

佛說出生滅法經卷一

三

廟五

平等若菩薩於一切法有所分別而作是念我得具足一切智果我爲衆生說諸法門能度若干衆生今至涅槃而彼菩薩作是念者卽不名行般若波羅蜜多所以者何般若波羅蜜多無如是相不見衆生有所度者有所得者以衆生無性故般若波羅蜜多亦無性衆生離相故般若波羅蜜多亦離相衆生不生故般若波羅蜜多亦不生衆生不滅故般若波羅蜜多亦不滅衆生不思議故般若波羅蜜多亦不思議衆生無覺了故般若波羅蜜多亦無覺了衆生如實知勝義故般若波羅蜜多亦如實知勝義衆生力集故如來力亦集世尊我以加是因緣謂大波羅蜜多是般若波羅蜜多爾時尊者舍利子白佛言世尊若諸菩薩摩訶薩於此甚深般若波羅蜜多法門聞已諦受不疑不難生淨信解者此諸菩薩於何處沒而來生此佛告舍利子當知此菩薩已於他方諸佛利中聽受此法請問其義隨順解了從彼沒已而來生此復次舍利子若人暫得聞此甚深般若波羅蜜多法門卽生信解踊躍歡喜尊重恭敬如佛想者當知是人已於無數佛世尊所聽受此法久修菩薩最勝妙行如是等人佛所稱讚

佛母出生三法藏般若波羅蜜多經卷第七

佛母出生三法藏般若波羅蜜多經卷第八

宋北天竺三藏朝奉大夫試光祿卿傳法大師施護等奉詔譯

地獄緣品第七之二

爾時尊者須菩提白佛言世尊般若波羅蜜多可聞可得耶若聲若相有所說耶佛言不也須菩提般若波羅蜜多無說無示無聞無得非蘊處界有所見相何以故彼一切法離種種性而蘊處界卽般若波羅蜜多何以故由蘊處界空故離故寂滅故般若波羅蜜多亦空亦離亦寂滅而般若波羅蜜多與蘊處界無二無二無相無分別爾時尊者須菩提白佛言世尊若有人於佛會中聞說此甚深般若波羅蜜多法門不生信解心無愛樂從法會起不能聽受者彼人以何因緣起如是相佛告須菩提我今爲汝如實分別若有人聞此甚深般若波羅蜜多法門不生信解不樂聽受當知是人雖於百千佛所修諸梵行而不愛樂聽受此法於諸佛所若聞說是般若波羅蜜多法門時從會起者須菩提彼人於先佛所已種如

是障法因緣是故今時於我法中聞說甚深般若波羅蜜多法門亦復不生愛樂信解無尊重想捨離而去當知是人若身若心不能和合是故於此般若波羅蜜多法門不生一念清淨信解不起如實正知見想於甚深法生疑惑心造無智業由是積集無智業故聞此般若波羅蜜多法門生違背心起毀謗業以違背毀謗般若波羅蜜多法門是卽違背毀謗過去未來現在諸佛一切智須菩提我說是人少智少慧無正福業不能成就淨信善根於一切時一切處自壞其身復壞他身斷諸衆生大利樂因須菩提彼人以是謗法因緣故當來決定墮大地獄經多百歲多千歲多百千歲多俱胝千歲多俱胝百千歲多俱胝那庾多百千歲中受諸苦惱從一大地獄至一大地獄又復展轉從一至一若此大地獄刲火燒時彼謗法人卽於他方世界大地獄中受諸苦惱亦復從一大地獄至一大地獄若他方界所有地獄刲火燒時又復展轉於他方界大地獄中受諸苦惱亦復如是從一至一又若彼界刲火燒時此界還成而復來此大地獄中亦復從一至一受諸苦惱如是展轉此界他界一一獄中如前數量經爾所歲受諸

苦惱乃至最後此界地獄劫火復起所焚燒時受苦
方盡何以故須菩提彼人以語不善業毀謗甚深般
若波羅蜜多法門故獲如是果爾時尊者舍利子白
佛言世尊所有衆生造五無間極重罪業與此謗法
罪業而相似耶佛言舍利子汝勿謂彼五無間業與
此謗法重罪而得相似舍利子違背毀謗甚深正法
者其罪甚重過五無間所有罪業何以故彼謗法者
聞說般若波羅蜜多法門卽作是言此非佛說我今
不能於是中學彼人自壞淨信復壞他人所有淨信
自飲諸毒復令他人亦飲其毒自所破壞亦復令他
作其破壞自於般若波羅蜜多法門不信不受不知
不解而不修習復令他人不生信受不正知解亦不
修習舍利子我說是人爲破法者其性濁黑而不清
淨於白法中爲羯商摩毀壞淨信又復得名爲汙法
者舍利子以是因緣此謗法罪最極深重五無間業
不可等比舍利子白佛言世尊如佛所說彼謗法入
墮大地獄不知是人當受苦身其量云何佛言止舍
利子不須問其受苦身量何以故彼人若聞所受苦
身大小分量是時卽有熱血從口門出將及命終如
是轉生憂愁苦惱身分內外乾枯銷瘦生大怖畏是

故我今不說彼人受苦身量舍利子重白佛言世尊
願爲宣說彼謗法者受苦身量與末世中一切衆生
而爲明照有所表示令於正法不生毀謗佛言舍利
子止不須說爾時尊者舍利子如是慰勸第二第三
重復勸請佛言舍利子止是事汝今當知如我所
說若謗法者墮大地獄爾所歲中受極重苦即以是
緣與諸衆生足爲明照是故不應說其身量爾時尊
者須菩提白佛言世尊諸善男子善女人於一切時
常當善護身語意業不令作諸不善業行何以故如
佛所說墮地獄者由其語不善業能作如是最極廣
大非福蘊故世尊謗正法者實由語業感是罪報耶
佛言如是如是須菩提由彼語業起不善故卽於正
法而生毀謗以是因緣受斯罪報須菩提我說是人
於我法中不應出家何以故彼人違背毀謗般若波
羅蜜多故是卽毀謗阿耨多羅三藐三菩提以謗阿
耨多羅三藐三菩提故是卽毀謗一切佛寶謗佛寶
故卽謗過去未來現在諸佛一切智謗一切智故是
卽毀謗一切法寶謗法寶故卽謗聲聞一切僧寶如
是卽於一切種一切時一切處毀謗三寶積集無量
無數不善業行當墮地獄受大苦惱須菩提白佛言

世尊彼人以何因緣於此般若波羅蜜多法門生輕
謗心佛告須菩提當知彼人有四種因何等爲四二
者爲魔所使二者自所積集無智慧因破壞所有清
淨信解三者隨順一切不善知識於非法中生和合
想四者執著我相不生正見隨彼邪心作諸過失須
菩提由是四種因緣故於此甚深般若波羅蜜多法
門而生毀謗須菩提是故諸善男子善女人當於諸
佛所說正法起淨信解勿生輕謗謗正法者是卽破
法若破法者斷滅壽命起無智業當墮地獄受大苦
惱

清淨品第八之一

爾時尊者須菩提白佛言世尊若有隨順惡知識遠
離善根及不精進者於此甚深般若波羅蜜多法門
極難信解耶佛告須菩提如是如是如汝所言如是
等人少見少聞遠離善根修劣智慧不能精進又復
隨順諸惡知識是故於此甚深法門極難信解須菩
提白佛言世尊而此般若波羅蜜多法門以何義故
難信難解佛言須菩提色受想行識無縛無解何以
故色自性是色故無縛無解受想行識自性是識故
無縛無解色前際無縛無解何以故前際色自性卽

是色故色後際無縛無解後際色自性即是色故色
中際無縛無解中際色自性即是色故受想行識前
後中際無縛無解何以故前後中際識自性即是識
故般若波羅蜜多以是義故甚深難解須菩提白佛
言世尊般若波羅蜜多法門難信難解如佛所說最
極甚深轉復難解世尊若有懈怠劣精進者失念無
智慧者應知此等於般若波羅蜜多法門難解難入
佛告須菩提如是如是汝所言復次須菩提色清
淨故卽果清淨果清淨故卽色清淨若色清淨若果
清淨無二無分別無斷無壞故受想行識清淨故卽
果清淨果清淨故卽識清淨若識清淨若果清淨無
二無分別無斷無壞故復次須菩提色清淨故卽一
切智清淨一切智清淨故卽色清淨若色清淨若一
切智清淨無分別無二無斷無壞故受想行識清淨
故卽一切智清淨一切智清淨故卽識清淨若識清
淨若一切智清淨無二無分別無斷無壞故爾時尊
者舍利子白佛言世尊般若波羅蜜多最上甚深佛
言性清淨故舍利子言般若波羅蜜多是大光明佛
言性清淨故舍利子言般若波羅蜜多廣大照曜佛
言性清淨故舍利子言般若波羅蜜多無和合佛言

性清淨故舍利子言般若波羅蜜多無所得佛言性
清淨故舍利子言般若波羅蜜多無所證佛言性清
淨故舍利子言般若波羅蜜多畢竟不生欲界色界
無色界佛言性清淨故舍利子言般若波羅蜜多畢
竟不滅佛言性清淨故舍利子言般若波羅蜜多無
所了知佛言性清淨故舍利子言般若波羅蜜多云
何無所了知佛言舍利子般若波羅蜜多不知色不
知受想行識何以故色受想行識性清淨故舍利子
言般若波羅蜜多於一切智無起無作佛言性清淨
故舍利子言般若波羅蜜多無法可取無法可捨佛

言性清淨故爾時尊者須菩提白佛言世尊我清淨
故色清淨佛言畢竟淨故我清淨故受想行識清淨
佛言畢竟淨故須菩提言我清淨故果清淨佛言畢
竟淨故須菩提言我清淨故一切智清淨佛言畢竟
淨故須菩提言我清淨故無所得無所證佛言畢竟
淨故須菩提言我無邊故色亦無邊佛言畢竟淨故
須菩提言我無邊故受想行識亦無邊佛言畢竟淨
故須菩提言菩薩摩訶薩於般若波羅蜜多無所覺
了佛言畢竟淨故須菩提言般若波羅蜜多非此岸
非彼岸非中流自性無所住佛言畢竟淨故爾時尊

者須菩提白佛言世尊若菩薩摩訶薩於一切法有所分別者卽失般若波羅蜜多卽遠般若波羅蜜多佛讚須菩提言善哉善哉須菩提如是如是汝所言何以故若於一切法起分別者是卽名相有所著故須菩提白佛言世尊若於所說般若波羅蜜多名中有所分別此說爲著是時尊者舍利子謂須菩提言云何名爲著相須菩提言若菩薩分別色空分別受想行識空是爲著相又若分別是過去法是未來法是現在法是初發菩提心者得若干福蘊是久修菩薩行者成幾所功德作此分別者名爲著相爾時帝釋天主白尊者須菩提言以何緣故菩薩得福蘊名爲著相須菩提言憍尸迦若初發心菩薩以心分別此是菩提心卽以發心善根廻向阿耨多羅三藐三菩提若能廻向卽不名廻向如是分別乃爲著相憍尸迦若有菩薩令諸善男子善女人安住菩薩乘者應於阿耨多羅三藐三菩提以真實法如理表示如實教授如所利益如理生喜若菩薩能以如是法示教利喜者自無所傷諸佛所印諸佛所教彼善男子善女人亦復離著爾時佛讚須菩提言善哉善哉須菩提汝善宣說離著法門令諸菩薩摩訶薩於

一切法不生執著須菩提我復爲汝宣說微妙離著
法門汝當善聽如善作意須菩提白佛言善哉世尊
願爲宣說佛告須菩提若有人於如來應供正等正
覺作有得想而生取著此卽名爲大貪著法何以故
不離諸相故須菩提若有菩薩於過去未來現在諸
佛世尊所有諸無漏法起隨喜心以此隨喜善根迴
向阿耨多羅二藐三菩提者亦卽是著何以故須菩
提諸法非過去未來現在可得彼隨喜心亦非三世
當以何心隨喜何法是故當知一切法無相無見無
聞無覺無知須菩提白佛言世尊諸法性甚深佛言
離種種性須菩提言般若波羅蜜多性甚深佛言般
若波羅蜜多自性清淨離種種性須菩提言般若波
羅蜜多離性我今敬禮佛言一切法離性須菩提由
一切法離性故卽般若波羅蜜多離性何以故如來
應供正等正覺如實證得一切法無性須菩提白佛
言世尊如來應供正等正覺證法無性耶佛告須菩
提無性亦非無性彼一切法若性若無性和合一相
所謂無相須菩提是故諸佛如是證得彼一切法何
以故諸佛法眼無分別故一切法性唯一無二彼一
切法若性非性所謂無性彼無性性是名一性卽此

一性亦不可得須菩提若菩薩如是了知者得離諸
著須菩提白佛言世尊般若波羅蜜多最上甚深佛
言如虛空甚深卽般若波羅蜜多甚深須菩提言般
若波羅蜜多難知佛言無知者故須菩提言般若波
羅蜜多不可思議佛言非心所知出過心數故須菩
提言般若波羅蜜多離諸所作佛言作者不可得故
須菩提白佛言世尊菩薩摩訶薩當云何行般若波
羅蜜多佛言若菩薩摩訶薩不行於色是行般若波
羅蜜多不行受想行識是行般若波羅蜜多不行色
無常是行般若波羅蜜多不行受想行識無常是行
般若波羅蜜多不行色空是行般若波羅蜜多不行
受想行識空是行般若波羅蜜多不行色滿足不足
足相是行般若波羅蜜多何以故若行色滿足不足
足相卽非色不行受想行識滿足不足相是行般
若波羅蜜多何以故若行受想行識滿足不足相
卽非識若如是不行諸法是名行般若波羅蜜多爾
時尊者須菩提白佛言希有世尊善爲諸菩薩摩訶
薩於著法中說無著法佛言若不行色有著無著是
行般若波羅蜜多不行受想行識有著無著是行般
若波羅蜜多不行眼觸乃至不行意觸爲緣所生諸

受有著無著是行般若波羅蜜多不行地界乃至不行識界有著無著是行般若波羅蜜多不行布施持戒忍辱精進禪定智慧諸波羅蜜多有著無著是行般若波羅蜜多不行三十七菩提分法及佛十力四無所畏十八不共諸功德聚有著無著是行般若波羅蜜多不行須陀洹斯陀含阿那含阿羅漢緣覺如來有著無著是行般若波羅蜜多不行一切智有著無著是行般若波羅蜜多須菩提若菩薩摩訶薩能如是於色不生著受想行識不生著眼觸乃至意觸爲緣所生諸受不生著地界乃至識界不生著布施持戒忍辱精進禪定智慧諸波羅蜜多不生著三十七菩提分法及佛十力四無所畏十八不共諸功德聚皆不生著須陀洹斯陀含阿那含阿羅漢緣覺如來乃至一切智亦不生著何以故一切法無縛無解出過諸著是故得名離苦無礙一切智須菩提諸菩薩摩訶薩應如是行般若波羅蜜多須菩提白佛言希有世尊般若波羅蜜多是甚深法若說不增不說亦不減說亦不減不說亦不增佛讚須菩提言善哉善哉須菩提如是如是若如來應供正等正覺盡其壽量稱讚虛空而彼虛空讚亦不增不讚亦不減讚

6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

亦不減不讚亦不增譬如稱讚幻所化人讚亦不喜
不讚亦不恚讚亦不增不讚亦不減須菩提諸法性
如是離說非說不增不減須菩提白佛言世尊般若
波羅蜜多廣大甚深菩薩摩訶薩所行甚難譬如虛
空無動無轉無相無作般若波羅蜜多亦復如是世
尊菩薩爲衆生故被大鎧甲而作莊嚴何以故菩薩
爲欲成就阿耨多羅三藐三菩提果度諸衆生是故
修學般若波羅蜜多世尊如人被甲與彼虛空共相
鬪戰而彼虛空本來平等法界平等衆生平等而諸
菩薩雖復勇猛成就精進波羅蜜多畢竟不能戰空

得勝是故諸菩薩摩訶薩難行般若波羅蜜多爾時
帝釋天主白尊者須菩提言若如是者卽般若波羅
蜜多行而無所生云何相應須菩提言憍尸迦如虛
空行所生般若波羅蜜多行亦如是生憍尸迦諸菩
薩摩訶薩欲學般若波羅蜜多行者當如虛空行如
是學者是卽相應爾時會中有一苾芻聞是法已從
座而起合掌向佛作如是言般若波羅蜜多無少法
可生無少法可滅是故我今敬禮般若波羅蜜多

音釋

佛母出生三法藏般若波羅蜜多經卷第八

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4 5

惛呼昆切心系明也 閻暝闇烏紺切與暗同 賴莫經切幽也



姑蘇中書舍人徐溶施賈刻此
佛母出生經七八同卷計字九千七百箇該銀
四兩三錢六分五厘
天啓甲子歲次孟春吉日吳江接付守誠

6 7 8 9 10 11 12 13 14 15 16 17 18 19 20 11 12 13 14 15 16 17 18 19 20 11 12 13 14 15 16 17 18 19 20

十一